


MEPUZHO NE MIKUMBU

BAHEBELU KIBESE KYA III

 . . . kwikala kuno bufuku buno ne jikwabo pa tabbanako, na luketekelo lwa luno luvwang'ano lwawama kabiji ne kupopwela na Kyambo kya Lesa akyo kyapewa kwi atweba kyatutu. Kabiji atweba . . . twatemwa kutolako lubaji lwa ao mapesho.

⁵⁵⁴ Kabiji Naketekela mba Lesa usa kwitupesha bufuku buno nobe byonka byo Ajikuuba lukeelo luno, na mbila ya lukeelo. Kabiji Najikwambanga ku bo nalamakana nabo, Mrs. Wood, mu kimye kicheche kyapitapo, kabiji twakwisambangapo, ne Mr. Wood ne bakwabo. Kabiji Naketekela namba abya byajinga byambo byawama bingi kufuma mu byawama Mulongo Neville byo asapwilapo kala, abya byajinga bimo byawama bingi kwi amiwa kukila byonse byo asapwilapo kala. Amiwa kine naji kukomoka ne kusata payoya mbila yawama. Kabiji ya jikuupa lutundaiko, ne kumbwezha panshi. Nanchi Na—Natemwa kuswa bukine, mwayukatu. Nanchi, na mambo abibese bya kushipa, mwayukatu, kwikala washipa, kabiji byepi kwi . . . Davida wajingako, kabiji ne aye byo . . . Byo ajinga mulolwa lweseko lukatampe, mukifulo kyakwamba mba “Kyawama, Nsakuya nakuba kikye, Nkambo, Anweba mukwashe,” aye wapembelejile, waile na kwipuzha Nkambo byakuba. Aye waletele epuloni, mwayukatu, ne kwamba mba, “Pano twayai twimane tumwipuzhe Lesa, ‘Kika kyo twafwainwa kuuba mu luno lukatazho?’” Oo, akya kyajinga kya bunoshi. Akya kyajinga na mavitamini avula kukila mashitolo amichi o tuji nao mu kyaalo kyetu. Ee, mwane, akya kyakonsha kukubila kyawama.

⁵⁵⁵ Pano, bufuku buno, atweba—atweba kechi tubena kukeba kwikala kukila pa pakachi ka bufuku ne, inge twakonsha, pa ao mepuzho. Nanchi atweba tu—tusa kutwela monka, ponkapotu. Ke kupwisha kwa ao mepuzho, kabiji kimye kyonse kyo Ntatula kwi apwisha . . . Pano, Nyenga Hattie, Amiwa kechi naji kutazha mukyokya ne, mwayukatu kyokyo. Na—Naambilengatu kyokya, monai; kabiji, kijitu bulongo. Bino Njina na akosa bingi kuno akwa wamwingilo, kabiji akosa bingi kwi akumbula. Mwayukatu, aba basapwishi, bekizhobakanya kupichila mu Baibolo ne kweseka kutana mikumbu yabo bene kasa bakyangye kukwipuzha ne, mwamona. Kabiji pano . . . abye bibena kubikwa pa tepu lekonda, bibena kuya ku Georgia ku mulunda nami wa mwingilo ao uji na mepuzho eiti avujilapo a mu Baibolo aya bingi, azhika bingi.

556 Kabiji pano, awe mulungu ubena kwiya, kechi mulubeko kwitulombelela ne.

557 Kabiji bakazhi bami baji bingi bulongo; babuuka pano, kabiji bakukwasha kwipika, leelo. Batemwe betu kufuma ku Canada, Mulongo, Nyenga Sothmann, baji kuno na kwitupepula, kabiji kine twibasachila pa lupepu lwabo. Kabiji mukazhi wami, byo ayukile mba babena kwiya, kika, aye winengezhe kutanwako pakuuba mba akasangajikwe kabiji ne lumvwang'ano lwa baabo bantu batemwe Benakilishitu. Tuji bingi na lusekelo pa kwikala na Mulongo Freddie bufuku buno, kabiji waikele na... Aye wajinga muno lukeelo luno, bino Naketekela waikele na... ine, abyo ibyo, uji ne Meda, ne kwikala nanji mu kimye kyo tubena kwiya; mambo Nayuka mba tusakukelwako pacheche bufuku buno, kuji kijiilo ne komvwa ku maulu. Nanchi tuji nalusekelo pakwikala nabo benyi betu betupepula.

558 Pano, kasa tukyanye kweseka kukumbula mepuzho... Kabiji vulukaitu mba Na—Nakonsha kwikala walubakanya, mwamona, Ami—Amiwa kechi ng'amba mba nji bulongo pa byonse byo Nguba ne. Ami—Amiwa ngeseka kuuba bulongo, bino kapepo Naya—Naya mungi. Kabiji—kabiji inge Amiwa naya mungi, nanchi mwandekelako mambo; kabiji Nalomba Lesa namba usa kuuba, ne aye, mambo kechi Nasaka mba ngye mungi ne. Amiwa kechi nkumbula mambotu aku-... nangwa jishinda ja kuuba Nobe... nayukila jimo ne, Amiwa nkumbula mwaila kuyuka kwami, mwamona. Kabiji inge Nakonsha kupipula milanguluko yami pa jipuzho ja mu Baibolo, Nalanguluka mba akyo kyo kintu kyakuuba. Twafwainwa kupipula, kimye kyonse, inge Kyambo kya Lesa kyaamba; mambo ke Kyambo kya Lesa.

559 Kabiji pano, Nalanguluka mba tusa kulombelela bakolwa jibiji bufuku buno, nobe kimye kyonse. Kabiji kimye kimo kikala kyakukumya; watola nobe jibumba jicheche jiji bibye, jakapa, oo, nobe tabbanako mucheche kuno, kabiji kimye kimo kechi wakonsha kumona bifumamo byo waketekela kufumyamo ne. Bino kine kintu, kyo ubena kuuba, obewa ubena kufumyatu ku bantu tuu aduleendi. Kabiji mbung'eno imo ikatampe, ubena kufumya ku baji fili kufika ku teni sauzande, mwamona, kabiji—kabiji kapepo ne kukilapo. Nanchi aja jo jishinda, ja kumwenamo byavula. Bino bufuku buno, Amiwa mbena kukumulatu pa... Mambo foni wetu ujila pa mamineti acheche mu juba kabiji ne lubaji lwa bufuku.

560 Bushe abo ba Mrs. Reisert baikala papo, bo Mbena kutala po? Baibolo Wenu, nyenga, Nyenga Wood uji nakyo kunyuma kokwa. Naji kwimuletelakyo lukeelo luno, kabiji Ami—Amiwa kechi naji kwikipana kwi anweba ne. Kabiji Amiwa—Amiwa kechi najikwimumona lukeelo luno ne, kabiji Mrs. Wood uji nakyo.

561 Nanchi pa kukumbula foni ne kutana abya—abya bintu bikatampe byaubiwa. Inetu wangichile amiwa, aye waambile mba, “Mulongo Branham, Najinga ku mbung’eno ya *kananga-kananga* kabiji Naji kumanama *kananga-kananga* lukatazho pa kimye kyabaya. Kabiji, anweba mwayuka, mwaambiletu kunyuma kokwa, kabiji ne . . .” Waambile mba, “Amiwa naubile napungila kala bwikalo bwakunyuma byo Bwaletelwe.” Kabiji waambile mba, “Amiwa kechi nakimanamapo kufuma ku kyokya kimye ne.”

562 Kabiji inetu waishile ne kwaamba mba . . . Naketekela uji muno bufuku buno, nangwa aye waendeshenga kufuma ku Bedford, Naketekela, nangwa kuntu kumo kokakwa. Mwaana wabo wajinga muno, Naketekela, awa wajinga na lukatazho lwa muchima, mu musango watama bingi. Kabiji aye waikele muno mu mpwijilo, kabiji—kabiji aye Nkambo waendele kuzhokoloka ne kukwata . . . waambile ku nsongwalume pa lulwe lukatazho, kabiji aye kechi wasutwilenga kuboko nangwa pachechetu ne, kabiji ne kikola kya muchima, kabiji kuboko kwanji konse kwaubile kalepu, ne muchima wanji waubile nobe bibye. Kabiji ponkapotu watwelele mu motoka ne kwendesha kuya kunzubo, kufumatu ponkapa kechi wakatazhiwapo na kikyene ne. Bushe awa inetu wafika kuno kufuma ku Bedford? Uji muno nyi, inetu? Awa ko aji, kunyuma. Ee, wakungitatu, kimye kicheche kyapitapo.

563 Kabiji kuji inetu wangichile kufuma ku Evansville. Kabiji kechi wafika kuno ne mambo uji kwalepesha, kechi wayukile mba tusakwikala na mpwijilo ya lubuko bufuku buno ne. Kabiji waambile mba, “Mulongo Branham, Naikele mu mbung’eno ya ku Evansville,” kabiji waambile mba, “obewa watajile kunyuma mu jibumba ne kwamba mba . . . wambujile Amiwa yami ng’anyi, kabiji ne byo Naubile, kabiji ne kyo Namanamako, kabiji ne bikwabotu bya yewa musango.” Kabiji waambile mba, “Amiwa najinga na yewa musango wa asima, kabiji na sokangatu Muchi wa asima kabiji ne bintu byonse mu kibamba kufumatu byo najinga nsongwakazhi mucheche.” Waambile mba, “Ayo ke myaka ibiji yapitapo, kabiji kechi Nakikalapo na lubaji lumo lwa yewa musango ne.” Mwamona?

564 Kabiji na mambotu abooba baji muno bufuku buno, bajikubulako lukeelo na kwiyowa lushimuno; Amiwa najinga ku shitolo wa teeni-seti, nakupota kadoli, keesha. Bino, akyo kechi kyajinga kyami amiwa mwine ne, monai. Akya kyajinga kya nsongwakazhi wami mucheche, Rebekah, kokwa. Kabiji—kabiji Sala wajikuyanga ku kintu kimo, kikwabo, leelo. Bamo bakwabo ba ku sukuulu babacheche bajinga na musango wa kwiya-pamo, kwa juba ja kusemwa, nangwa kintutu kikwabo, kabiji watwajile kyabupe kyanji kicheche; kabiji Amiwa napotelenga kyana kya kandoli, kyalepa *nobe* mukananga.

Kabiji kwajinga inetu umo waishile byoonya, waambile mba, “Anweba mwavuluka nyi?”

565 Kabiji Naambile mba, “Amiwa kechi naketekela mba Nayuka ne.”

566 Kabiji twaishile kutana mba, wajinga wa mukisemi kya kwa Mulongo Neville kuno, kyakuuba mba...byo Najinga pa lwendo lwa kuya ku Swenden, abo...Aye waishile kuno, wajinga na nsongwalume mucheche wajinga mu kipona kya mawilo, pamo nobe Edith wa mucheche kokwa, kabiji mulunda mucheche wajinga na kaasa, kitumbwa kya kubongo. Kabiji matwe wani mucheche wajinga wakunama, ne aye...kabiji badokotala bamupeletu milungu isatu ya kwikala na bumi. Bafumisheko lubaji lumo ne kwikipima, kabiji bamwene kyajinga...byo kyajinga, kabiji bamupeletu milungu isatu yakwikala na bumi. Kabiji bamwendeshangatu mu kipona kya mawilo, kabiji ba mubika pa mubanda inge waya ku kibamba na kumupesapesa, kabiji ne kumubwezha. Twaile na kulombelela yewa nsongwalume mucheche, kabiji twaipwizhe Nkambo amba amubuke. Kabiji juba jalondejilepo, byo bamutwajileko kokwa, waambile mba, “Amiwa kechi mbena kukeba akya kipona kya mawilo ne.”

567 Watwelele mu motoka ne kwendesha, kabiji dokotala wavungile mubanda, waambile mba “Amiwa kechi mbena kukeba yewa mubanda ne.”

568 Wanyemene kuyako ne kwikala panshi, dokotala wamupimine, waambile mba, “Kyawama,” waambile mba, “mukifulo kya milungu isatu, Nsakukupa aduleendi ne myaka eiti ya kwikala na bumi.”

569 Kabiji, keesha, bainanji bakumenye. Kabiji kape baji muno, nobe byo Nayuka, bufuku buno. Kabiji nsongwalume mucheche wateelenga mbola ya kumaulu, ke mwanamulume mwanyike pa kino kimye. Kitumbwatumbwa, kaasa wa kubongo, kabiji kimweshatu kuba mba... .

570 Oo, masauzande a bintu, mwamona. Lesa kechi wakonsha kukakalwa ne. Aye—Aye kechi wakonsha kukakalwa ne.

571 Mulongo Yoano, jiso jobe jiji bulongo, mulongo? Aye wajinga na mapuso, wapopelenga musumali kabiji wamwimbile pa jiso. Kabiji bonse twalombejilenga Mulongo John O'Bannon, mulongo wetu kufuma ku Louisville wajinga na mapuso a musumali wamwimbile pa jiso.

572 Pano, ao mepuzho ke—ke afuma panshi ya muchima wa muntu umo; byo batanga mu Kinembelo ne kutana bibye bintu, kabiji abo kechi...kape kechi bakonsha kushininwa abo bene ne, nachi be aleta kuno kwi atweba amba tukumbule. Kabiji mwamona makatazho o twabikwamo; mambo, kyo mwakonsha kwamba, bakonsha kukwachijila ku byonkabyo. Nanchi wafwainwa kushininwa mba uji bulongo, kabiji Amiwa...

nobe byo mwafwainwa kwikala bashininwa. Nanchi pano, kintu kine twafwainwa kwikala bashininwa mba tuji bulongo, pano twayai twipuzhe Mupashi Wazhila etulumbulwile kikye, kimye kyo tubena kukunyika mutwe wetu.

⁵⁷³ Pano, Taata Wamwiulu, oo, ke jishuko jabaya ja kwamba mba “Taata” ku Mulenga mukatampe wa meulu ne ntanda. Kabiji tubena kwipuzha mba Anweba mwialame ao mepuzho mu bukalama Bwenu Anweba pakino kimye. Apanwa kuno na bukishika bwabaya bingi. Lesa, lekai bibye bifume mu michima yetu, na bukishika bwabaya, mu kupana mukumbu mujishinda jawama mo twayukila; kiswishai kikye.

⁵⁷⁴ Kabiji lekai lusa Lwenu lwikale pa umo umo. Kabiji lekai kintu kimo kyambiwe bufuku buno amba kikwashe muntu yense uji muno. Kabiji umvwe twafuma muno, panyuma ya kulombelela bakolwa ne kuja kijilo ne bikwabotu, lekai twambe nobe booba bafumine ku Emasa, “Bushe michima yetu kechi ya kutemanga byo Akwambanga kwi atweba mujishinda nenyi?” Mambo twaipuzha bino Mujizhina ja Yesu. Amena.

⁵⁷⁵ Pano, nobe byo Ng’amba bimye byavula, amba ao—ao papo o—o awamisha mwayila milanguluko yami, kabiji kimye kimo kiletako misambo icheche. Jitanshi papo, Namona ke kintu kyo Naambapo kala, akyo kyaletwa jibiji. Amiwa kechi. . . nakeba kwijitanga pano, inge mwakonsha.

65. Kimye Adama ne Eva byo bajinga na baana babo mu Edena, kwajinga bantu bakwabo pantanda pa kikye kimye nyi? Mu Ntendekelo kyapitala kyabu 5 ne veeleshi wabu 16, Kaina waikela mu ntanda ya Nonda kabiji wamuyukile mukazhi wanj.

⁵⁷⁶ Pano, ajo ke—ke jipuzho yawama bingi. Bino, twafunjishiwa mu Baibolo. . . Kabiji bimye byavula abye. . . kimye kimo twikala na mulekelesha. . . Amiwa nanembanga pa kipepala kicheche, ne kwamba mba, “Ipuzhai. Kumbulai jipuzho jiji jonse ja Baibolo.”

⁵⁷⁷ Kabiji muntu umo waambile mba, “Kyawama, mukazhi wakwa Kaina wajinga ng’anyi?”

⁵⁷⁸ Oo, Nakonsha kusekesha pacheche nakyokyo nangwa kintu kimo, Nakonsha kwamba mba, “Oo, awa wajinga mwaana wamukazhi wa-bako-babakazhi,” nangwa kintu kimo kiji muyewa musango, mwayukatu, nangwa—nangwa “Aye wajinga Mrs. Kaina.” Bino akyo kechi kyapana mukumbu ne. Kuji. . .

⁵⁷⁹ Akwa Kaina wajinga na mukazhi, mambo Baibolo waamba mba byo kyajinga. Kabiji inge Kaina wajinga na mukazhi, wafwaijlwe kumutana kuntu kumo. Kabiji kikye kyafwainwa kupana ndoonda papo:

Kwajingapo bantu bakwabo panopantanda kimye Adama ne Eva kyo bajinga na baana babo mu bujimi bwa Edena?

580 Pano, inge mwakonsha kumona, mu Baibolo mwanamukazhi kechi javula jo atongolwa pa kusemwa ne. Kimye kyonse mwaana wamulume ye yenka unembwa mu Baibolo, kechi mwanamukazhi ne. Kechi javula po kyaambiwa pa kusemwa kwa mwaana wamukazhi ne, mu Baibolo. Nangwa, kwamba patota, Amiwa kechi Nakonsha kuvulukapo nangwa umo ne, mu milanguluko, apo pokyanembwa kusemwa kwa mwaana; waamba mba, “Abo basemene baana babalume ne babakazhi.”

581 Pano, Baibolo wapanatu sawakwa wa baana basatu basemenwe kwi Adama ne Eva, kabiji aba bajinga Kaina, Abela, ne Seta. Bino, inge bonse basatu bajinga banabalume, inge kechi kwajingapo banabakazhi bamo basemekelwe ne, kabiji umvwe mwanamukazhi umo yenka (Eva) wafwile, mutundu wa muntu wafwajilwe kuzhiya pa kyonkakya kimye, mambo inge kechi kwajingapo jishinda jabo ja—ja kwikala na. . . mutundu wa muntu kuya kulutwe, mambo inge kechi kwajingapo banabakazhi bakushalapo ne. Eva inge wajingatu buke. Pakuuba, mwamona, kechi banemba ku—kusemwa kwa baana babakazhi ne, mu Baibolo, onkao mambo bafwajilwe kwikala na bansongwakazhi ne bansongwalume pamotu.

582 Bino, munembeshi wakala, umo munembeshi wa banembeshi bakala ye tuji nanji, Josephus, waamba mba bajinga na baana sebeta, kabiji Adama ne Eva; umo munembeshi wakala, “baana sebeta, kabiji bajinga bonse pamo babalume ne babakazhi.”

583 Pano, inge. . . Kabiji inge Kaina waile ku ntanda ya Nond. . . Pano, inge mwakonsha kumona, munembeshi wajinga, wanemba bya maana bingi papo. Bushe mwamona byo bekinembele nyi?

Mu Edena, kimye kyo bajinga na baana babo mu Edena. . .
Bino, kechi mu bujimi bwa Edena ne, munembeshi wayukile kyokyo. Ao wanembele bibye papo, waamba mba: **Kimye Adama ne Eva kyo bajinga na baana babo mu Edena. . .**

584 Kechi mu bujimi bwa Edena ne, mambo bapangilwemo mu bujimi bwa Edena. Bino bakijingatu mu Edena, kabiji bujimi bwa Edena bwajinga ku musela wa Edena. Bino Edena wajinga nobe kyaalo nangwa—nangwa kika. . . nangwa kyaalo, kabiji Nonda wajinga kyaalo kikwabo nangwa kyaalo kiji kwipi nakyo.

585 Bino, muntutu Kaina ye afwajilwe kwikala nanji, nangwa kusongola, wafwajilwe kwikala nyenga yanji mwine. Aye wafwajilwe kuuba kyokyo. Mambo kwajingatu mwanamulume ne mwanamukazhi umo kobafwajilwe kufuma, mwamona, kabiji wasongwele nyenga yanji mwine. Bino, akya kyajinga kyaitabilwa mu oa moba.

586 Kabiji Izaka wasongwele muvyala wanji, Labeka, watongwelwe kwi Lesa. Sala wajinga nyenga yakwa Abulahama, nyenga yanji wa mumashi; kechi ku bainanji ne, pakuuba ku

bashanji. Monai, nyenga yanji wa mumashi ao—ao Abulahama ye asongwele; bainanji bapusanako, pakuuba bashanji bamo.

587 Nanchi, mwamona, kusongola mukisemi kyokya kimye, kasa akyangye—ndoonda ya mashi mu mutundu wa muntu yakokele, kyajinga kyaitabilwa ne koloka. Pano kechi byokiji ne. Inge wakonsha kusongola nyenga yobe leelo, ne kwikala na baana, kapepo bakonsha kwikala. . . kyawama, bakonsha kwikala na bulema ne bintutu bikwabo. Kufikatu ne ku muvuala wa mukisemi kitanshi nangwa kya bubiji kechi wakonsha kusongola ne, monai, mambo mashi aya nakukepelwa bulume kabiji ne kubula kwenda bulongo.

588 Bino kintutu kimo kyafwaijilwe kuuba Kaina, kyoabile, ke kusongola nyenga yanji mwine. Kabiji amwa momwajinga baana. . . Aye watolele mukazhi wanji, waile ku kyaalo kya Nonda ne kuyuka wamuyukile, kabiji kufuma moomwa mwafumine ba—baana. Mwamona, aye. . .

589 Kabiji inge mwamona, kufuma mu ndoonda yakwa Kaina mwafumine bantu bajimuka. Kufuma mu ndoonda ya Seta mwafumine bantu babumpopweshi, Natazha mu kuuba mba, awa—awa musapi wa bololoke. Ponkapo, aba babiji, baletele ndoonda yo tubena kwikalamo leelo.

590 Inge mwakonsha kumona leelo (pano pa kupwisha jije jipuzho): kisemi kya kwa Kaina kikiji konka, kabiji kisemi kya kwa Seta kikiji konka. Bonse babiji baiya kufika ne kuno. Kaina baana banji baji muno mu Jeffersonville bufuku buno, kabiji Seta baana banji baji muno mu Jeffersonville bufuku buno. Ndonda ya mashi byo iya na kukooka ne kupwa, pakuuba akya kisemi kikitwajijilatu.

591 Pano, monai. Kaina baana banji kimye kyonse bajinga. . . kabiji kwipayang'ana kwa muyulo kasa kukyangye kwikalako, bajinga bantu bajimuka bingi: basendwe mu byamasayaasi, bafunda; kabiji babupopweshi bingi, bino bajinga jibumba jazhatwa. Mwamona? Pano monai, abo bajingatu pamo nobe shabo Kaina. Kaina, aye wajinga muntu wabumpopweshi. Washimikile kitapisho kyawama, kabiji walengele kipwilo kyawama, kabiji waesekele kwikilenga kyawama kukila kamishonyi kacheche kajinga ne Seta kokwa. Bushe mwikiyuka kyokyo nyi? Aye kine. . . Aye wawamishe kitapisho na maluba, kabiji wikilengele kyawama, kabiji wikilengele kyabuuya; kabiji walengele kikatampe, kyabaya, kipwilo kyayula bantu, mambo aye walangulukile mba wakonsha kumona bubile bwa Lesa pa kuuba kyokyo.

592 Kabiji Abela waile nakutoola mwanamukoko wa mucheche, kabiji watatwile kumutwala ku kitapisho, ne kumulajika pa jibwe ne ku mwipaya.

593 Kabiji pano, Lesa byo aji waoloka, inge Aye kyo akebelengatu kyajinga bupopweshi, Kaina wampopwejile Lesa

na muchima wabukishika nobe byonka byajinga Abela. Bonse babiji bajinga ba bukishika. Bonse babiji bakebelenga lusa lwa Lesa. Bonse babiji kechi pajingapo muntushi ne. Abo bonse babiji bajinga, kine, baitabila mwi Yehoba. Pano, pakyokyo, kitupa kintu kimo kya kulangulukapo.

⁵⁹⁴ Bamo muno bufuku buno Amiwa kechi nakimonapo, bantu; Amiwa kechi na kikumumonapo kala ne. Bino wafwainwa kuyuka kikye, ne kulama kikye mu milanguluko yobe. Mwamona? Nangwatu wikale wa bumpopweshi byepi, akyo kechi kijipo na kintu kimo kyakuba nakyo ne. Obewa wafwainwa kwikala mu kipwilo, wakonsha kwikala wakishika bingi, bino kasa uji walubilamo! Mwamona?

⁵⁹⁵ Kabiji mwamba mba, “Kyawama,” mwamba mba, “bakafunga betu bakila bingi kujimuka, bapita mu masukuulu a mamboawama pakuuba mba bekale bafunda bulongo. Abo ke bafunda masukuulu a mamboawama, bayuka byonse—byonse bya masukuulu a mamboawama kabiji ne bikwabotu. Kabiji bajimuka, bafunjishiwa, byakila . . . basala bawamisha pa bonse botwayuka.” Kabiji nangwa byonkabyo bakonsha kwikala balubilamo! Mwamona?

⁵⁹⁶ Pano Kaina, ku kisemi kyanji: bajinga, bonsetu, babumpopweshi bingi; bantu baya bingi kuwa; kabiji bajinga basendwe basayaasi, mandokotala, banshimikinshi, bamingilo, kabiji bantu bajimuka. Pakuuba kisemi kyonse kyakainwe, kufumatu kwi Kaina kufika ne kumpelo.

⁵⁹⁷ Kabiji kulubaji lwa kwa Abela: abo kechi bajinga banshimikinshi nangwa bafunjishi nangwa bantu bajimuka ne; bajinga ba, bakilapo nangwa baji mushi, bekepesha, bakalama bamikoko, kabiji bajimi babacheche, baendangatu na kutangijilwa ku Mupashi.

⁵⁹⁸ Pano, Baibolo waamba mba, “Kechi kuji luzhachisho ku boba baji mwi Kilishitu Yesu ne, babula kwenda mu butunshi kana mu Mupashi.” Muntu wa bumupashi uji na mweo wa bumupashi ao ubula kufwa. Kabiji muntu wa butunshi uji na musango wa bumpopweshi bwamuzhokoloka (kabiji ukeba kumpopwela ne bikwabotu) bino kasa aji mutunshi; kechi wabula kwitabila ne, bino waitabila wabutushi; kabiji ba byobya bo bakainwe.

⁵⁹⁹ Bino, kufuma popa, Kaina waile na kusongola mukazhaji mu ntanda ya Nonda. Bino, kechi kyaambiwe wasongwele Seta ne, nangwa bakwabo bo basongwele ne. Kabiji kintu kyawama mukyokyo ke kuyuka mba—mba, Kaina kusongola, tuji na mukumbu ku kyokyo. Mambo wasongwele nyenga yanji, nangwa aye . . . nangwa mba kwajinga . . .

⁶⁰⁰ Kechi kwajingapo banabakazhi bakwabo panopantanda ne, bino bafuminetu kwi Eva. Aye wajinga inanja bomi bonse. Kuuba mba, bantu bonse bajingako, aye wajinga inanja byonse.

Ao oene mambo kyo ajinga... Kyambo kya *Eva* kyalumbulula mba “inanja bonse bomi.” Nanchi waishile ne kusema yuwe mwaana. Kabiji Kaina wasongwele nyenga yanji, jo jonka jishinda jo Nakonsha kumonapo papo. Nanchi kwajinga bantu baikelenga mu joja juba, kyakine. Mwamona? Kyawama, kabiji...

Kimye Adama ne Eva byo bajinga na baana babo mu Edena... Pano monai, ajo jo jipuzho: **Kimye kyo bajinga na baana babo mu Edena, kwajingapo bantu bakwabo pantanda pa kikye kimye? Ine! Nanchi mu Ntendekelo 5:16, mwamona, Kaina waikela mu ntanda ya Nonda kabiji wamuyukile mukazhi wanji.** Kine. Mwamona?

⁶⁰¹ Amo ke mu Ntendekelo 1, amo Aye mo alengele muntu mu kipasha Kyanji Mwine, ao wajinga mu fiyofani. Kabiji mu Ntendekelo 2, Aye walengele muntu kufuma ku lukungu lwa panshi, ao wajinga muntu wanyama ne mashi yetuji nanji kino kimye. Kabiji pano, mu 3 mo mwajinga kupona, kabiji wapangilwe kufuma mu bujimi bwa Edena; kabiji pano baana po basemene baana. Kabiji Kaina wasendele mukazhanji ne kwikala nanji muntanda ya Nonda, pangye, mambo Lesa wa mwabenye kufuma mu lumvwang’ano lwa bumpopweshi na mulongo wanji (mambo a lufu lwa—lwa kwa Abela). Kabiji aye ye ajinga nanji, nyenga yanji, kabiji wa musongwele; jo jonka jishinda jo Nakonsha, amiwa, nakonsha kumona mba—mba byo asongwele.

⁶⁰² Pano, kyambiwa mba... Kabiji Naketekela mba balunda nami bachiluluka baji muno bakonsha kundekelako mambo ku ino ng’ambilo, mambo kechi ijitu bulongo ne. Kimye kitanshi kyo Nakumenyepo umo mu bumi bwami, panyuma ya Nkwaluluka...Najinga...nakumenye Mulongo George DeArk ne bakwabo kokwa. Kabiji Naendele, ne Nkambo watangijile ku mpuzha icheche. Kabiji besambilenga kwafumine muntu wachiluluka. Kabiji abo baesekelenga kwamba mba muntu wachiluluka...Amba Kaina wasongwele nyama uji nobe pombo, kabiji kufuma momo mwafumine mutundu wabachiluluka. Bino, akyo kyatama! Kyakine, akyo kyatama! Kabiji kechi mwakonsha kuswisha kyokyo ne. Mambo kechi kwajingapo wachiluluka nangwa utoka ne, nangwa mukwabo wapusanako ne, bajingatu mutundu wa muntu umo kufikatu ne kumuyulo. Kabiji panyuma ya muyulo ne kyamba kya Babela, byo batatwile kupalang’enamo, apo ipo po basendele mushobo wabo ne bikwabotu. Bonse bafuma ku kichi kimo. Abyo kine ibyo. Adama ne Eva bajinga bashanji ne bainanji, mwaila pantanda, kilengwa kyonse kya muntu mumi ao waikalapo pantanda. Abyo ibyo. Ufita, utoka, watubuluka, wachiluluka, kibobo, nangwa wikale mung’anyi mushobo, akyo kine ke mpuzhatu yo wikalamo, kabiji ne musango ye—ye wa...Kijitu nobe...

603 Nalanguluka mba Nafwainwa kwambapo pa kikye kimye kyo Nkiji pa kikye. Bantu kuno pa kino kimye kyamisalululo ne mizhilo kabiji ne bintu byo babena kupitamo, Nalanguluka mba kyatama bingi. Amiwa ne kyumvwa bibi. Telekai, aba bantu balekaitu buke bwabo, bayuka kyo babena kukeba. Lesa walengele muntu kwikala muntu wachiluluka, kabiji aye uji na lusekelo pa kikye. Kinetu! Inge Lesa wandengele muntu wachiluluka, Nafwainwa kwikala walusekelo pa kikye; inge Aye wandengele kwikala muntu wachila, Nafwainwa kwikala walusekelo; inge Lesa wandengele kwikala muntu utoka, Amiwa ne walusekelo; inge Aye wandengele kwikala muntu wakibobo, Amiwa nafwainwa kwikala walusekelo. Lesa witulengele mu mishobo yetu, kabiji Witulengele mumusango Aye ye etukebejilemo, kabiji atweba bonse twibaana Banji. Kyakine! Kabiji kechi bafwainwa kwendeleka ne kutwajijila byobya ne. Akyo kyatama kwikyuuba. Abo kechi bafwainwa kwikyuba ne. Lesa witulengele. . . musango ye twakebelamo.

604 Kabiji muntu wachiluluka, kechi ukeba kufumamo ne kuchibakanya kyanji—kyanji kisemi nangwa mushobo wanjii ne, kabiji ne kwibimvwangakanya mu kitoka ne byonse bya yewa musango ne. Amiwa kechi mbena kumuzhachisha ne. Amiwa kechi nakonsha ne. Muntu wachiluluka uji na bintu byabula muntu utoka. Kinetu! Abyo kine ibyo. Kabiji Lesa kechi wafukwile mba kikekala muyewa musango ne.

605 Kyawama, talai. Awa muntu wachiluluka uji. . . aye—aye ke. . . aye uji na—aye uji na kisemwa kyabula muntu utoka. Aye uji na jishuko-jakwikala-nalusekelo, ke “kuketekelatu mwi Lesa, kabiji ne kuleka byashala byaikala byonkabya”; nangwa uji nakyo nangwa ine, aye uji nalusekelo nangwa byonkabyo. Nafwainwa kutemwa kwikala na byonse byo, bufuku buno, Naketekela kine byo nafwainwa. Kyawama, aye uji nakyo, kabiji akya ke kyanji; abo kechi bakeba kuvwangakanya na mitundu ikwabo ne kwikichibakanya ne, nangwa pacheche ne. Abyo kine ibyo.

606 Nalanguluka mba inetu umo ku Shreveport waambile yawama—yawama ng’ambilo Amiwa yo kyangye kumvwapo mu bumi bwami. Aye waambile ng’ambilo, kabiji be ibikile mu pepala. Aye waile konka, waambile mba, “Jishinda abye bintu mobibena kwendela kuno, mu iye misalululo, Amiwa kechi mbena kukeba baana bami kuya ku sukuulu wabatoka ne.” Waambile mba, “Abo kechi bakebateya maana byonka byo kyafwainwa inge baji na mufunjishi wachiluluka ne.” Awa mwanamukazhi ke mwanamukazhi wajimuka. Aye wayukile kyo aambilengapo, batambula lufunjisho lwawama bingi. Abyo kine ibyo. Nanchi Nalanguluka mba bantu booba kyatama pa kuuba kyokyo.

607 Kabiji baamba mba, “Kaina ne Abela. . .” kabiji ne bikwabotu byonka bya. Ine, mwane! Mushobo kechi wajinga

na kintu kimo kyakuuba nakyo ne. Ke mupashi uji mukachi yakyokya ye uji na kintu kimo kyakwingila nakyo. Abyo kine ibyo.

⁶⁰⁸ Nanchi Kaina wayukile mukazhi waji, kabiji awa wajinga nyenga yanji. Kabiji abo . . . wamutwajile ku ntanda ya Nonda, kabiji momwa mo mwafuma mikoka ikatampe ya pantanda: bumpopweshi ne bampopwela.

⁶⁰⁹ Kabiji ngilangulukaitu leelo, mulunda, ngimanaitu ne kulanguluka pa ka kimye kacheche. Kuji biumbi makumi a biumbi makumi kabiji ne biumbi bya biumbi, kine bya bantu baya-ku kipwilo, baikala bakishika ne bepanyisha ku kyokya kipwilo, abo baikala balubilamo byonka byajinga Kaina. Mwamona? Ke Lesa Ye usala! Ke Lesa Ye usalulula! Mwamona? Lesa Ye upana lusa! Buchimba kechi bwakonsha kwambila mbumbi ne, kana mbumbi kwambila buchimba. Abyo ibyo.

⁶¹⁰ Pano paji jawama bingi, jalondelapo papo:

Mu Petelo Wabubiji 2:4—2:4 . . .

⁶¹¹ Muntu umo uji na Baibolo, ukeba kuzhikula bibye binembelo bukiji bukiji kimye byo Mbeni kwiibitanga, inge mwakeba. Kabiji kwashaiko papo, kimye kyo twafika pa jije jipuzho.

⁶¹² Pano, pe uno Kaina ne—ne bikwabotu, inge akyo kyabula kupana mukumbu, lekaitu twikale nakyo. Tukekala na lusekelo . . .

⁶¹³ Pano Petelo Wabubiji 2:4. Kijitu bulongo, mwane, tuji pano:

66. Petelo Wabubiji 2:4, “Pakuuba inge Lesa uji . . . Pakuuba umvwe Lesa kechi wibalekele bamalaika balengele mambo ne, pakuuba wibataile mu ngehena,” pano kika Kilishitu kyo asapwijile ku mipashi yaji mu kaleya, mu Petelo Mutanshi 3:19?

⁶¹⁴ Pano, tuji na Petelo 2:4, patanshi. Kijitu bulongo:

Kine Lesa kechi wibalekele bamalaika balengele mambo ne, pakuuba wibataile panshi—panshi mu tatalusa, kabiji—kabiji ne kwibabika mu minyololo ya mfishi, kupembelela kwa luzhachisho;

⁶¹⁵ Pano, twayai tumone mu Petelo Mutanshi (ye Petelo Wabubiji), Petelo Mutanshi 3:19, telekai ku kikye. Pano potuji, ponkapano. Abye byonse byatwelamo, oene mambo kyo Nabujila kwibinemba.

. . . ne amo . . . moayijile na kusapwila ku mipashi yajinga mukaleya;

⁶¹⁶ Oo, ee, pano potuji. Twayai tutatwile panyuma kacheche saka tukyangye kufika pakyokyo ne, veeleshi wabu 18:

Mambo Kilishitu ne aye . . . wiamanamijile mambo jimo jonka, aye waoloka na mambo ababula koloka,

amba aye etufikizhe kwi Lesa, waipayilwe mu mubiji, kabiji waubilwe bumi mu Mupashi:

Kabiji namo imo mo Ayijile na kusapwila ku mipashi iji mu kaleya;

Yonka yalengulwile kala, . . .

617 Mulunda mutemwe wami, inge wakonsha kutanga veleeshi walondelapo, kabiji Wikilondolola. Mwamona?

Yonka yalengulwile kala, byo kwapembelejile kukokamuchima kwa Lesa mu moba a Nowa, kimye bwato kyo bebufikilenga, amo bacheche, bajinga, myeo eiti yapulukile ku meema. (Mwamona?)

618 Pano, inge mwakonsha kumona papo, Nalanguluka mba awe musapwishi uji na jikwabo pa . . . kintu kimo kiji mu musango umo, kisakukumbulwa palutwe kacheche.

619 Petelo Mutanshi 4 . . . nangwa 2:4, inge mwamona, “mambo umvwe Lesa wabujile kwibaleka bamalaika,” awe *malaika* wanembwa byepi? Muheche “ma.” Mwamona? Pano, papo, “mipashi yajinga mu kaleya yabujile kulapila mu kimye kya kukokamuchima kwa moba akwa Nowa,” bamalaika bamotu. Bajinga bantu: baluwe, basapwishi; “kechi wibalekele bamalaika ne.” Bushe mwayuka mba . . . kyambo kya *malaika* kyafuma ku kyambo kya “muluwe”? Baanga bayuka mba *malaika* ye “muluwe”? Kine, malaika ye muluwe, “kabiji Aye kechi wibalekele bamalaika ne.” Mwamona?

620 Kabiji mumwe mu Bahebelu, vulukai twapichilemo mukikyeye milungu icheche yapitapo, “ba malaika”?

621 Kabiji amwa mu Bahe- . . . mu Lumwekesho, “Ku malaika wa kipwilo kya Saladisa unembe bibye bintu. Ku malaika wa kipwilo kya Efisesa unembe bibye bintu. Ku malaika wa kipwilo . . .” Vulukai kyokyo? Kabiji twamona kyambo kya *malaika* kunyuma, kabiji kufuma ku buuku ulumbulula byambo, twatana kuuba mba “muluwe.” Wafwainwa kwikala “muluwe pantanda, muluwe wa bulesa,” kyambo kya *malaika*.

622 Nanchi mu yuwe musango, inge twakonsha kusenda buuku wa lexicon ne kupitulukamo, mwakonsha kutana kuuba mba kyatatwila ku “baluwe, baluwe batashi.” Monai, “Inge . . . Inge aye kechi wibalekele ne . . . Mambo Lesa inge kechi wibalekele bamalaika balengele mambo ne,” (Mwamona?) “kabiji abya bintu bya bulesa,” (Mwamona?) “panyuma ya kupembelela . . .”

Pano monai, aye waambile mba:

. . . inge . . . kechi wibalekele bamalaika balengele mambo ne, pakuuba wibataile mutatalusa, kabiji ne kwibataya mu minyololo ya mfishi, ba laminwa luzhachisho;

623 Pano monai mu Petelo mutanshi ne jikwabo, 3:19, monai kikye byo kitangwa:

Namo imo mo ayijile na kusapwila ku mipashi iji mu kaleya;

Ayo yaubile milengulwila kala, kimye kukokamuchima kwa Lesa byo kwapembejilenga mu moba akwa Nowa, . . . (monai, bajinga baluwe ba mujoja juba, baluwe) . . . kimye bwato kyo bebufikilenga, amo . . . kuuba mba, myeo eiti yapulukile ku meema.

624 Pano inge mwakonsha kumona kimye abye bilengwa po byajinga Mwiulu. Pano, mu Lumwekesho 11 . . . nangwa kyapitala kyabu 7, Naketekela . . . nangwa ine, ine, ke kyapitala kyabu 12. Aye wapana kipikichala kya mwanamukazhi waimana; kasa aji na ng'ondo ku mutwe wanji ne juba . . . nangwa, juba ku mutwe wanji ne ng'ondo ku maulu anji. Kabiji awa sung'unyi uchila waimene mu kyenya kyanji amba amuje Mwaana aku Usemwatu, kabiji watolele lumizo wanji ne kukoka lubaji lumo lwa pa lubaji lusatu lwa tubaangabanga twa Mwiulu ne kwitutaya panopantanda. Bushe mwikimona kyokyo nyi? Bino, akyo kechi kyalumbulula mba Satana uji na—na mukila walepa ye alobako bantu ne, pakuuba “lumizo ke kokwa *kubulang'ana*,” kabiji wakokele lubaji lumo lwa pa lubaji lusatu lwa totwa tubaangabanga. Atwa tubaangabanga twajinga lukunwa wakwa Abulahama.

625 Abulahama waambile mba, “Oo . . .”

626 Lesa wabuujile Abulahama mba, “Tala mwiulu, ubale tubaangabanga inge wakonsha.”

627 Aye waambile mba, “Amiwa kechi nakonsha kwikyuba ne.”

628 Aye waambile mba, “Nangwa obewa kechi ukakonsha kubala lukunwa obe ne,” tubaangabanga.

629 Ing'anyi wa Watoka kabiji Ntaanda wa Kumakya? Yesu mwina Nazala, watokeshwa waikalepo mu bumuntu. Aye ye Watoka kabiji Ntaanda wa Kumakya. Kabiji Aye ye Lukunwa wakwa Abulahama, kwiya kupichila mwi Izaka. Kabiji atweba, byo twafwa mwi Kilishitu, tusenda Lukunwa wakwa Abulahama kabiji baswanyoni monka mwaila mulaye.

630 Nanchi tubaangabanga twa mwiulu twaimejileko mipashi ya bantu papo. Kabiji sung'unyi uchila (Loma, kimye kya kumanyika kwanji) wakujikile bibese bibiji-pa bisatu bya . . . nangwa lubaji lusatu lwa pa tubaangabanga, ne kwitutaya panshi, akya kyajinga kimye kyakupopwa kwa Nkambo yetu Yesu byo bamukaine Aye kabiji Wajinga . . . kabiji Aye wamutaile kechi wajingapo na kimo kyakuuba Naji ne; alwa lwajiga lubaji lusatu lwa pa tubaangabanga twa bumalaika, bilengwa bya bumalaika.

⁶³¹ Monai, mu mubiji wenu, mukachi kenu...(tuji na jipuzho jikwabo pa kyokyo, jaimana pakyokyo, pakuuba mba kikumbulwe bulongo). Nanchi inge...Mukachi kenu muji mupashi, muntu mukwabo. Pangye yenu paji muntu umo, mukachi kenu muji muntu mukwabo. Nanchi akya kya bumukachi kenu ke kya bulesa, kya pangye yenu ke kya bumubiji. Mwamona? Kabiji akye kintu, inge utangijilwa na-Mupashi, mwi Lesa, obewa wikala ke muluwe wa Lesa, nangwa malaika. Lesa *muluwe wanji*, Lesa *malaika wanji*, ke kyambotu kimo; kechi bakonsha kwikyabanya ne: Lesa muluwe wanji, nangwa, Lesa malaika wanji.

⁶³² Kabiji ng'anyi uji na luusa lukatampe? Aye Malaika wafuma Mwiulu nangwa malaika uji pa puupiti? Ng'anyi uji nalo? Malaika uji ku puupiti! Paulo waambile mba, "Inge Malaika wafuma Mwiulu waiya ne kusapwila mamboawama akwabo kwi anweba kukila aao o Nasapwila kala, mulekai ekale wafingwa." Nanchi awa malaika washingwa manyi na Mupashi Wazhila kabiji ne na Kyambo waimana pepi ne Lesa. Abyo ibyo. Amwa Mwiulu, luusa lwanji. . .

⁶³³ "Bulume bonse bwa Mwiulu ne pantanda bwapewa mu kuboko Kwami. Yanga, kabiji Amiwa nkaya nobe. Kyonse kyo mukakasa panopantanda, Namiwa ke kikasa Mwiulu. Akya kyomukasulula panopantanda, Ne amiwa kekikasulula Mwiulu."

⁶³⁴ Oo, inge Kipwilo kikatampe kyazhila kyakonsha kuyuka bulume bwakyo bwakuuba bibye bintu. Pakuuba kuji luzhinauko bingi ne moyo ne kuzakama, kukumya kana kyakonsha kubiwa, "Kyakonsha kumweka nyi?" Kimye kyonse kikatatanwako kyokyo, Kipwilo kechi kyakonsha kwimana bulongo ne. Kabiji umvwe kwamba kwa moyo konse kwafumapo kabiji Mupashi Wazhila waikala na sambu yonse pa Kipwilo, nanchi moyo yense wafumapo, ne kyokya Kipwilo kiji na bulume. Mwamona? Kika, baji na byonse Jiulu byo jilamina panyuma babo. Abo ke bantomesha ba Jitanda. Kinetu! Tomesha wa Kilishitu uji na sambu, kabiji ne byonse bya kwa Kilishitu bikala bya kulubaji lwa kwa ntomesha. Kabiji Aye waambile mba, "Yainga panopantanda ponse, anweba mwi bakamonyi Bami panyuma ya kwia Mupashi Wazhila pe anweba." Kabiji kamonyi ye muka? Ke ntomesha; wakwiiya kwikala na bukamonyi pa kintu. Bulume bonse bwa Mwiulu buji monka mu maboko enu! Oo, kika kyo twaikela? Kabiji kipwilo kyaikala bung'umba, kabiji twaikala bazhindama. Ke mambo akuuba mba kechi tuji na buyuke bwa bibye bintu ne.

⁶³⁵ Pano, myeo yajinga mu kaleya (yabujile kulapila), atweba kechi twibilengwa bya Bumalaika ba-batailwe panshi mu musango wa Bamalaika ne, pakuuba yajinga mipashi yabyobya bilengwa bya bumalaika byaponene kintendekesho kya inontanda kasa kikyangye kwikalako, kunyuma kokwa nkondo

po yajingako Mwiulu. Kabiji Satana ne—ne aye nsung’unyi balwilenga, kabiji pano... nangwa Mikela ne—ne kabiji—ne nsung’unyi balwilenga (ne Lusifa). Kabiji Lucifer waelelwe na baana banji bonse (bonse ba malaika bo ajimbaikile), kabiji aba bamalaika baishile pantanda kabiji bakokejile kwikala buntu. Kabiji byo baubilwe byo byo, apa ipo “baana ba Lesa po bamwene mba baana ba bantu babakazhi bajinga balamba, bebasongwelenga bonkaba bobasalulwile ke bakazhi babo.”

⁶³⁶ Abo ke baana bakwa Lesa. Muntu yense wasemekwa panopantanda ke mwaana wakwa Lesa. Nangwatu ekale ndengamambo nangwa musango yense ye ajimo, aye ke mwaana wakwa Lesa. Walengwa mu kipasha kya kwa Lesa mukuleta lutotelo kwi Lesa, aye walengwa muyewa musango. Bino Lesa mu ntendekelo wayukile ng’anyi Ukamutambulwila kabiji ne yewa ukabula Kumutambulwila ne. Onkao mambo Aye wakonsheshe kutongwela jimo, nangwa, kubula kutongwela jimo, pakuuba na mambo akuyukila jimo Aye wakonsha kubulang’ana wafwainwa kupuluka ne ukabula kupuluka, mambo Aye wayukile ng’anyi muntu ukekala na ng’anyi mupashi.

⁶³⁷ Kabiji aya mipashi yafumine ku Jitanda ja Lesa, kabiji imana ku Jitanda ja Lesa, kabiji yaikela... mabbilyoni ne mabbilyoni kabiji ne bimye bikatampe ntanda kasa ikyangye kulengwa, mu Kyeenyi kya Lesa, bushe mwaketekela mba kechi bayukapo kintu kimo kya bumpopweshi nenyi? Kabiji baishile panshi ne kutwela mu muntu, kabiji bampopwela Lesa! Kine, bapopwela Lesa; kabiji baji na buyuke bwa Lesa, kabiji bajimuka, baji na maana, kabiji bafunda, kimye kyonse. Bino Lesa wibakaine kufumatu ku ntendekelo!

⁶³⁸ Nanchi onkao mambo, mulunda, bumembala bwa kipwilo, nangwa—nangwa maana a kufunda sukuulu wa mamboawama nangwa kintu kimo, kechi kijipo na kintu kimo kya kwingila Nakyo ne. Kyafwainwa kwikala Mashi akwa Yesu Kilishitu kabiji ne kusemwa kupya ako ku nkunungankanya kwi Aye ke muntu umo. Abyo byokiji.

⁶³⁹ Lesa, muntendekelo byo Ayukile mba... Banabalume ne banabakazhi balengelwe umo, kechi babiji ne, bajinga balengwa umo. Abo baabenwe, umo wabikilwe mu mubiji kabiji mukwabo mu fiyofani. Aye wayukile kyokyo. Nanchi pakuuba mba shininkishe kyokyo kwi anweba: Lesa byo alengele mwanamukazhi, Aye kechi watolelepo lukungu kabiji ne kumulenga nobe byonka byo Aubile mwanamulume ne; Aye watolele lubavu kufuma ku lubaji lwa kwa Adama, kabiji waikela ke kintu—kyalengwa kufuma mu muntu (mambo aye ye lubaji lwanji). Anweba Mwikyumu vwa pano nyi? Mwamona? Byo byo kiji.

640 Kuji ba malaika. Kabiji Lesa ne mupashi wanungakana na Lesa ke Mupashi umotu. Abyo ibyo. Pano, Mupashi wakwa Lesa wikala mu Kipwilo, ye Mupashi ufuma Mwiulu, ao Lesa ye ayukijile jimo kitendekesho kya inontanda kasa kikyaangye kwikalako, ao wakaine bubela bwakwa diabola. Kabiji awa mupashi watolele mubiji wa nyama ne mashi kwikala. . . pakuuba mba esekwe. Aye waishile kwikala mubiji wa myama ne mashi nobe byonka byaubile bakwabo, kabiji bonsetu babikilwe ku kikonkoji kyaesakana pamo. Kabiji Lesa, kufumatu kuntendekelo, wayukile mipashi ikooba, kabiji ne ikabula kuuba. Byobyoby kiji. Awa diabola wajimuka bingi wakonsha kujimbaika bonka basalwa, inge kyakonsheka kubiwa.

641 Nanchi aye mipashi, aabo bamalaika basapwijile, bajinga mukaleya; *bamalaika*, inge mwakonsha kumona papo, ke mucheche “m” akyo kyalumbulula mba “muntu”; bamalaika, baluwe panopantanda. Balengele mambo, kabiji jishindatu jimo ja kulengelamo mambo ke kubula kuketekela! Kabiji jishinda. . . Bajinga na bumpopweshi bwabo abo bene, kabiji kechi baketekejile mbila yakwa Nowa ne. Abo kechi baketekejile mbila ya kwa Enoke ne. Kabiji bakaine Mbila yabo, “kabiji bazhachilwe,” Baibolo waamba mba byobyoby bajinga.

642 Enoke wibawijile, mba, “Aye Nkambo ukeya na biumbi jikumi bya bazhila Banji.”

643 Kabiji baawile. Kabiji Nowa walengele bwato, kabiji baambile mba, “Aye ye upanga kyongo-kyazhila! Aye ke wa kisangajimbwetu! Kechi kujipo kya kwamba mba mvula ubena kwiya ne.” Kabiji myaka aduleendi na tweti yatwajijiletu, kabiji wajinga na bumpopweshi bwajingamo lupulukilo, kwajinga jishinda jalengelwe jakunyemenamo, nangwa byonkabyo abo baikajijiletu mu musango wabo.

644 Abyo byobyoby kiji ne leelo, kyakuuba mba bantu baikelatu mu musango wabo. Bino kuji jishinda ja kunyemenamo, kabiji ne jojo ke ja kwa Yesu Kilishitu. Amena. Abyo byokiji: mutundutu umo, mipashi imotu.

645 Kabiji bajinga kine bantu babumpopweshi, babumpopweshi bingi, nangwa byonkabyo batupijile luchipo lwa lulayang’ano.

646 Nanchi byo byokiji ne leelo. Muntu uya ku kipwilo, ne kutwela mu bipwilo bikatampe, kabiji ne kweseka kwikala muntu wayukanyikwa bingi mu muzhi. Inge bakeba kutwela mu kipwilo, bamona kyabaishatu mu muzhi, kyakilapo kuwama kabiji kilangulukwa-po-bulongo mu muzhi. Lwito belusha kwalepa bingi! Kwalepa bingi ko Belusha!

647 Jishindatu jimo ja kuyukilamo Yesu Kilishitu ke kupichila mulumwekesho lwa bumupashi, kechi kupichila mu sukuulu wa byambo bya lesa nangwa kutanga Baibolo kyabaya ne. Nangwa obewa wikale Wasayaasi Wabenakilishitu, Methodist, Kamonyi

wa Yehoba, nangwa musango yense ye ujimo; nangwatu yobe ng'anyi, kechi Ukekiyukila kupichila mu Kyambo ne, ke Mupashi wakwa Lesa ye umusolola Aye kwi obewa. Ke lumwekesho lwa bumupashi!

648 Kimye Adama, mu bujimi bwa Edena, ne Eva, aba baana byo bebapangilemo, Kaina wayishile na sukuulu wawama wa mamboawama. Aye waambile mba, "Lesa wafwainwa kuyuka mba tubena kuuba kikye kufuma ku buwame—ku buwame bwa muchima wami. Amiwa nkashimika kitapisho kyawama, Nkabikapo maluba, Nkabikapo bipangwa, Nkekilenga kyawama bingi. Kine Amiwa nakonsha kumutokesha Lesa pa muchima na kikye kabiji Aye wayuka mba Amiwa njina bukishika mu muchima wami." Aye wajingatu bulongo monka mwajilenga Kyambo; Lesa wakebelenga bupopweshi, aye waile na kupopwela. Aye walengele mpuzha yawama ya bupopweshi, ikatampe, kamfindulo wawama (byonka byo bekitela leelo). Kabiji aye wikilengele bulongo, wikinshimikile bulongo kabiji wabikamo ne kitapisho; aye kechi wajinga kilubi ne.

649 Bino Abela, ponka pa Kyambo kya Lesa...Kechi kwajingapo Baibolo wanembelwe pakyokya kimye ne, bino Lesa *wamusolwejile* amba kechi kyajinga kipangwa kitufumishe mu bujimi bwa Edena ne, kechi byajinga maepozi byajile Adama ne Eva ne, kyajinga bintu bya kwilaala byo bibabenye ne kuleta lwabano. Kabiji byo twayuka mba baikele ke bakufwa, kabiji kupichila mu mashi akwa Adama, kabiji ne kupichila mu mashi akwa muloolo awo watatwile kikye, Abela, konka ku lumwekesho lwa Bulesa, waile na kukwata mwanamukoko ne kumutapisha. Kabiji Lesa waambile mba, "Abyo Byokiji!" Kine.

650 Byo bafumine ku Mutumba wa Kwalulwa, Yesu waambile mba, "Bantu bamba mba Amiwa Mwaana muntu yami ng'anyi?"

651 "Bamo bamba mba Anweba mwi 'Mosesa,' kabiji ne bakwabo bamba mba Anweba mwi 'Elaija,' kabiji bamo bamba mba Anweba mwi 'Yelemiya,' kabiji bakwabo bamba mba Anweba mwi 'yewa Ngauzhi.'"

652 Aye waambile mba, "Pakuuba Ng'aneba mutela mba Amiwa yami ng'anyi?"

653 Petel waambile mba, "Anweba yenu Kilishitu, Mwaana Lesa Mumi."

654 Aye waambile mba, "Mwatookwa anweba, Shimona Mwaana-yona, pakuba ke buntushi bwanyama ne mashi bobwimusolwelakyo ne." (Talai!) "Kechi kupichila mu byanembwa ne, kechi kupichila mu sukuulu ne; anweba kechi mwibifunjile mu sukuulu wa mamboawama ne, nangwa muntu umo kechi ye wimubujilekyo ne. Buntushi bwa nyama ne mashi kechi bobwimusolwelakyo ne, kana Ba Taata baji Mwiulu bobemusolwelakyo. Kabiji pa jonka jino jibwe po Nkatunga Kipwilo Kyami, binzhilo bya kalunga kechi Bikekishinda ne."

Abyo byokiji. Akyo kyo Kipwilo kya Lesa mumi. Byokiji. Pa kyokya kipwilo. . . Ponka palulwe *lumwekesho*, akye Kipwilo po kyashimikwa. Ke lumwekesho lwa Bulesa alo Lesa loasolola, amba Yesu Kilishitu ye Mwaana wakwa Lesa, kabiji obewa wamutambula Aye kwikala Mupulushi obe, obewa wafuma kulufu ne kuya ku Bumi.

⁶⁵⁵ Kabiji Mupashi Wazhila ubena kwenda ne kwingila mu ba membala ba muyuwe Mubiji. Akyo kyo Kipwilo! Nangwatu ekale muyaji, kabiji uji mu mwingilo, kabiji waimana mushi ya kichi kutu kumo, nangwa konse kokiji, nangwatu kiji mu nzubo ya muntu umo mu mbungeno yabufyafya, nangwatu kitanwe kwepi. Buwame ne bintu bikwabo kechi bisekesha Lesa ne. Ke bukishika bwa mu muchima monka mu lumwekesho lwa kwamba mba Yesu Kilishitu wapewa nobe Mwaana wa kwa Lesa, Mupulushi wetu. Amena!

⁶⁵⁶ Ami, atweba. . . anweba kuuba mwatambula bibye ne, kuya mu yewa musango, twakonsha nyi?

⁶⁵⁷ Kuji bamo baji. . . konka kwa Nkoayile; bamalaika: balulwe, abo basapwishi, abo bamana, aabo baluwe babujile kuketekela kimye Nowa kyo asapwijilenga kwi abo kabiji ne kwibambila mba, “Kika, iyai mu bubwe bwato.”

⁶⁵⁸ Baambile mba, “Telekai ku yuwe uuba kyongo-kyazhila. Telekai ku yuwe usekesha. Kika, kechi kujipo mvula ne. Ing’anyi wakyumvwapo kintu kyabyobyoy? Kika, ami, kechi ntuji na bipwilo nenyi? Bushe kechi twi bapopweshi nenyi?” Kika, bajinga bapopweshi!

⁶⁵⁹ Yesu waambile mba kyafwainwa kwikala kisemi kyapita kunyuma, kyafwainwa kwikala kyokya kisemi kikabwezhiwapo jibiji Kwiya Kwanji kasa kukyanye kufika, “Byonka byo kyajinga mu moba akwa Nowa, nanchi byobyoy kikekala ne pakwiya kwa Mwaana muntu. Mambo bajilenga, batomenenga, ne kusongola, ne kwikana.” Bajinga na Reno, Nevada pakyokya kimye, kuntu kumo. Bajinga na byubilo byonse byabulamo mana byonka byo baji nabyo leelo; kukwatakana pamo, kabiji ne byakukaya, ba kuuba bisela, ba myendeleo ne bikwabotu; kasa baji na kipashang’anotu kya munema wa bulesa, bino sabakana Bukine: lulayang’ano, ne Mbila ya lusa. Lesa walengelenga jishinda Janji, kabiji ne kupana ku bantu Lwanji—Mululayang’ano Lwanji, mo bakonsha kunyemena; Lwajinga na lupulukilo, lupulukilo lwajinga kifulo kya kunyemenamo.

⁶⁶⁰ “Kika kyo tubena kukeba na lupulukilo?” Leelo bantu baamba mba, “Bushe kechi tubena kwikala na musango wawama wakafulumende wakupana sambu ku bantu? Kika kyo tubena kukeba?”

⁶⁶¹ Amiwa kechi nasakamana na musango wa kafulumende upana sambu ku bantu ye twaikalamo ne, tubena kukeba Mashi akwa Yesu Kilishitu. Ibyo! Tubena kukeba Kilishitu.

Nasachila musango wakafulumende upana sambu ku bantu; akyo kechi kiji na kimo kyakwingila ne, kwingila na lupulukilo lwa mweo ne. Kyakine! Atwe tufulumende tukapita, kabiji kyaalo kyonse kikapita. Kabiji Naimene kulubaji lwa . . . akwa kwaimene bafelo, kabiji wafwainwa kupoya mafiti tweti panshi pa kuuba mba utane matanda abo po baikalanga. Bonse bafelo ne bufumu bwabo bwa panopantanda, kabiji ne byonse byabwitote bikankakalwa ne kupita, pakuuba Yehoba ukekala mu bufumu myaka ne myaka, mambo Aye ye Lesa ubula kufwa. Pakosa pa Jibwe ja Kilishitu Yesu potwaimana, ponse pakwabo pashala pabipa.

⁶⁶² Nangwatu kikale byepi . . . bufumu bukemana kabiji bwakakalwa, bino oo, kechi pajipo kintu ne . . . Amiwa kechi nekisakamana ne nangwa kikale . . . kiji kyonse; kafwako nangwa kimo kijiko ne, nangwa kyakulutwe, kafwako (byazala nangwa byalumanamo nangwa kiji kyonse) kyakonsha kwitwabanya na butemwe bwa Lesa abo buji mwi Kilishitu ne. Umvwe muntu wasemwa ku Mupashi wakwa Lesa, aye kechi ke kilengwa kya kimye ne, pakuuba aye ke kilengwa kya Peenape. Amena. Aye wapitaila kufuma kulufu kuya ku Bumi. Aye wapitaila kufuma ku . . . Aye wapitaila mu lubaji lwa kimye, ne kuya mu Peenape. Aye kechi wakonsha konaika ne! Kabiji Lesa wachipile mba Aye ukamusangula mu moba akapelako.

⁶⁶³ Nanchi bakonsha kwikala na bipwilo byobo byonse byabaya, kabiji ne bimye byenu byawama, kabiji ne byonse byo mukeba kuuba, ne kwamba bisela byenu byatama kabiji ne bisela bya Ngyuka, kabiji ne bijilo bya mulajima ne byonsetu byo mukeba kuuba; kabiji ne musapwishi wafunda waimana kulutwe. Kapepo wakonsha kwingila mwingilo wawama kukila bamo baabo bacheche bansongwalume babula kuyuka ABC's wabo. Bino Mbena kwimubula bukine, Nakonsha kutemwa kwikala na nsongwalume wabula kuyuka ABC's wanji kusapwila kwi amiwa (ao wayuka Kilishitu) kukila ne bonse bafunda masukuulu a mamboawama bafunda bo mwakonsha kulangulukapo. Kinetu!

⁶⁶⁴ Kuno ku Kentucky, kechi papita kimye kyabaya ne, nsongwalume wa mucheche ao wabujile kuyuka ne kutanga jizhina janji mwine, waambile mba Nkambo wamwichile kusapwila kabiji wasakilenga nzubo ya sukuulu. Kika, butangi kechi bwamuswishishe ne. Umo mukatampe musapwishi waishile konkakwa kasa aaji na kitupa kya jizhina janji *byobya*, umo dokotala mukatampe wa bulesa, kika, bamupele sukuulu. Kine. Waikele na milungu ibiji ya kusangululwa, nangwatu mweo umu ne. Kabiji bashanji babweleleko, ne kwamba mba, "Pano mumpai, Amiwa mpana musoko, Njina sambu ya nsongwalume wami kwikala nakyu. Kabiji nsongwalume wami wafwainwa kwikala nanji ne aye."

665 Nanchi wabwelele nakukeba mukumbu, kabiji wibepwizhe, baambile mba, “Kyawama, tusakumupa nangwa mafuku abiji.” Kabiji bamupele pa mafuku abiji.

666 Kabiji abwa bufuku awa nsongwalume mucheche waimene popa kabiji kechi wakonsheshe ne kutanga Baibolo ne, wajinga na muntu umo wamutangijilenga kibaaba kyanji. Bino byo aendele kuya ku pulatifomu, aye washingilwe manyi na Mupashi Wazhila. Kabiji byo asapwijile, pepi nobe tweti baishile ku kitapisho; kabiji ne yewa-wabwitote musapwishi wajijile kufika ne ku Kalvali, ku kitapisho.

667 Kine, mulongo, kechi kyo—kechi byo wayuka ne, kiji ku Yewa ye wayuka. Ao ye mwine mulanguluko, abyo byo byo kyubiwa, kisendatu kuyuka Kilishitu. Kumuyuka Aye, bo Bumi; kumukana Aye, lo lufu.

668 Bukiji bukiji tuye ku mepuzho etu akwabo, mepuzho abena kuya ku Georgia:

67. Pano nga mabwe mu . . . aimenako mu Lumwekesho 21:19 ne 20?

669 Inge mwakonsha kwikala na kimye kya kunshikula Baibolo wenu, kechi tujipo na kimye kyabaya ne, bino Amiwa sakweseka kwiakumbula bukiji bukiji. Lumwekesho tweti-. . . Naketekela mba 21:19 ne 20. Ee.

670 Kijitu bulongo, mu kyokyo mwakonsha kumona mba ubena kwamba pa mabwe ajinga mu kishimikwa. Kabiji mabwe ajinga bintendekesho. Inge mwakonsha kumona. . . Naketekela mba uji nakyo popo, Mulongo Neville. Kabiji kila jibwe jajinga kintendekesho. Kechi mba jibwe jimo jajinga kintendekesho ne, kabiji ne akwabo. . . Nangwa byonkabyo kila jibwe jajinga kintendekesho. Kila jibwe jajinga kintendekesho kyatwajijila. Kabiji kwajinga mabwe twelufu. Kabiji inge mwamona aa mabwe twelufu, apana jimo. . . Patanshitu atatwila na yasipa, ne saladyasa, kabiji ne akwabotu byonkabya, kwimenako jibwe jimo.

671 Mu Baibolo mukatana mba atelwa mazhina angi. Amo apusanako pacheche, anweba kechi mwakiomvwapo kala ne. Inge mwatala mu buuku ulumbulula byambo mukatana mba jo jibwe jimoto, jijitu na jizhina jikwabo; japipulwa.

672 Bino atatwila na—na yasipa. Yasipa jajinga jibwe jakwa Benjamina, nangwa, jibwe ja . . . oo, mwaana mutanshi, Lubenyi. Jibwe jitanshi jajinga Lubenyi, ajo jajinga yasipa. Jibwe japeleleko jajinga Benjamina, jibwe japelako peulu.

673 Pano, aa mabwe twelufu po paajilwe bintendekesho, aa—aa mabwe twelufu ajinga pafukuta wa pakyanji kyakwa Alona. Kabiji ao—ao aimenejilengako, mba ye ng’anga mukatampe wa—wa iye mikoka. Kila jibwe jajinga jibwe ja mukoka, mu yuwe—yuwe fukuta. Kabiji umvwe bantu bamona yuwe fukuta,

bayukanga mba Alona ye ng'anga mukatampe wa mukoka yense, inge bamona jibwe ja mukoka muyuwe fukuta.

⁶⁷⁴ Pano, byo twajinga lukeelo luno na mbila ya Mulongo Neville. Kabiji bimye byavula baletanga Yulimu Tumimu. Mwamona kyatongolwa mu Baibolo nobe jishinda jakuyukilamo kana mbila yabo ya Bukine nangwa ine. Aa mabwe, byo abulang'ananga byaamba muntu, bya aula ngauzhi, kabiji ne oa mabwe onse amweshwa kyeya pa kimye kimotu. Kyalengele byeya kusamina pamo byamwekelenga bu safila, ne yasipa, ne kalubako, kabiji ne mabwe onse akwabo amweshwa kyeya kya musango wakyo, akyo kyalengele kakongolo kamo kakatampe kawama kamweshwa byonse pa kimye kimo.

⁶⁷⁵ Pano, pano, leelo, kimye Yulimu Tumimu byo afumishiwepo na bobwa bung'anga, pano awe Baibolo ye Yulimu Tumimu wa leelo wakwa Lesa. Kabiji umvwe musapwishi wasapwila, kechi kyafwainwa kwikalatu kintu kimo kicheche papo, kabiji wabikamo ne luketekelo lwanji lonse ne; kyafwainwa kwikala Baibolo yense ubena kumweshwa mbila muntu yo abena kusapwila. Akyo kyo kintutu. Kechi patutu pamo ne, ne kwaamba mba, "Kyawama, Baibolo waamba kikye." Oo, kine, waamba bintu byavula. Bino obewa wafwainwa kwi bibika byonse pamo. Kabiji umvwe Mupashi wakwa Lesa waiya waikala mu—mu Kyambo, Upwizha byonse pamo kabiji ne kumweshwa Kyeya kimo kikatampe, kabiji akya Kyeya ye Yesu Kilishitu. Amena.

⁶⁷⁶ Pano, aa mabwe twelufu ajinga bintendekesho twelufu byatatwilwe kufuma kwi Lubenyi, ne Gadi, kabiji kufikatu ne kwi Benjamin; mikoka twelufu, mabwe twelufu. Kabiji aa mabwe mu Tepo, mu Yelusalema mupya wa Mwiulu, kila kintendekesho kikabikwa pa umo mushakulu.

⁶⁷⁷ Pano monai, inge mwamona mabwe, pano musakwibamona aba bashakulu kusamisha kyeya mu kintu kikwabo, mu jipuzho jikwabo.

68. Londololai—londololai wabuna . . . binyama bina bya bumi bya mu Lumwekesho 5.

⁶⁷⁸ Mulongo Neville, inge uji na kyokyo pepi, nangwa anweba bamo, Lumwekesho 5, tusakutanga kikye pa mineti umo. Ke—ke kipikichala kyawama bingi papo . . . Apo, Njinaapo amiwa mwine, Lumwekesho kyapitala kyabu 5:

Kabiji Namwene mu kuboko kwa kilujo kwa yewa waikala pa—pa jitanda buuku wanembwa mukachi ne pangye kabiji—kabiji—kabiji ne pangye, ye bashinka na tutetesho tutanu na tubiji.

Kabiji Na . . .

⁶⁷⁹ Bino, apo kechi popo mbena kukeba ne. Mbena kukeba kufika palutwe pacheche, pa binyama bina bya bumi. Twayai

tumone, veeleshi wabu 14. Kijitu bulongo, mwane. Pano twayai, akyo kijitu bulongo. Pano twayai tutatwile papo pa—pa veeleshi wabu 12, ine, Naketekela mba. . . “Kabiji binyama bina bya bumi byaambile mba, ‘Amena.’” Ine, kuji mpuzha icheche kunyuma ya kyokya, Mulongo Neville. “Talai, Naumwine jiji. . .”

⁶⁸⁰ Twayai tumone, pa mineti umo, Najikutangapo kimye kicheche kyapitapo. Oo, apo po twafika, twayai tutatwile pa veeleshi wabu 6. Veeleshi wabu 5:

Ponkapo umo wa aba bakulumpe wang’ambila mba, Kujila ne: tala, aye Bokwe wa mu mukoka wa Yuda, Muzhazhi wa Davida, ye washinda kabiji ye wakonsha kuzhinkula awa buuku, kabiji ne kushinkula. . . atwa tutetesho.

Kabiji Namwene, kabiji, . . . pakachi ka jitanda ne. . . binyama byumi bina, kabiji, mukachi ka aba bakulumpe, Mwanamukoko kasa aimana, wamweka nobe waipayilwe, waji na mitwe sebeni kabiji ne meso nao sebeni, yo Mipashi sebeni. . . yatumwa ponse. . . ponse pantanda.

⁶⁸¹ Nasaka mba anweba mulame jojo jipuzho, kabiji inge kechi Nakonsha kukwatako pa mineti mu ne, Nasaka namba mubwezhepo jibiji, Nasaka kwingijila pa kyokyo, “aye Mipashi sebeni ya meso sebeni yajinga pa Mwanamukoko.” Oo, akyo ke kintu kyawama bingi. (Kyawama, tubena kukeba kutola jije jipuzho ja mulongo.) Kijitu bulongo, kechi mulubeko kyokyo ne.

Ponkapo aye waishile ne kutambula buuku mu kuboko kwa kilujo kwa yewa waikala pa jitanda.

Kabiji byo atambwile awa buuku, binyama byumi bina ne aba bakulumpe tweti foo baponene mu kyenyi kya mwanamukoko, . . . bonse kasa baji na byansa pa muntu, . . .

⁶⁸² Pano, aba—aba bana—banyama bana babumi papo, inge mwakonsha kumona. Pano twayai tuye palutwe ne kutanga kulutwe pacheche:

. . . ne michiba ya ngolonde, . . . yayula myalo ne byakufutumuna, . . . yo milombelo ya bazhijikwa.

Kabiji baimbile lwimbo mupya amba, . . . Anweba yenu mwafwainwa. . . (kabiji baponene kikuvumene ne kupana. . . bupopweshi bwabo bonse kwi Nkambo)

⁶⁸³ Pano, abo banyama bana ba bumi mu Lumwekesho, inge mwakonsha kwibimona, ponse ponse. . . (Anweba mutanga Baibolo, kabiji ne muntu yense ukateleka kuyuwe tepu ubena kufyatulwa). Abye binyama bina bya bumi, byajinga na bilungi bina: umo wajinga na kilungi nobe kya muntu, mukwabo wajinga na kilungi nobe kya ng’ombe, kabiji ne kilungi kikwabo kyajinga nobe kya mpungu, kabiji ne kilungi kikwabo kyajinga

nobe bonkwe. Kabiji kechi babwelelenga kunyuma ne, kechi babwelelenga panyuma ne.

684 Baanga bavuluka buuku wakala wa Lumwekesho byo bamufunjishenga myaka yapita kunyuma, byo Nasendele pepi nobe myaka ibiji mu Buuku wa Lumwekesho? Bavula ba mukimye-kyakala bayuka.

685 Talai, kechi baya lunyuma ne, mambo konse kobayilenga bayilenga kulutwe. Inge baya *lulwe* lubaji, bayilenga nobe muntu; inge baya *lulwe* lubaji, bayilenga nobe bokwe; baya *lulwe* lubaji, bayilenga nobe mpungu; inge baya *lulwe* lubaji, bayilenga nobe ng'ombe. Mwamona, kechi bayilenga lunyuma ne, kimye kyose bayilengatu kulutwe.

686 Pano abya binyama bina bya bumi. Pakuuba mba tukwatakanye bukiji bukijitu, mambo kechi Mbena kukeba kubanda pa kikyene. Bino binyama bina bya bumi . . . Aye *kinyama*, mu Baibolo, waimenako “bulume.” Kabiji umvwe mwamona bibye binyama kechi byajinga mu kizhiba nangwa mu kalunga ka meema mobyafuminenga ne, pakuuba bajinga ku Jitanda ja Lesa, kabiji bapopwejlenga Lesa. Abye binyama bina bya bumi byalumbulula mba bulume buna bwafumine pantanda, kabiji abwa bulume buna bwajinga Mamboawama foolo: Mateyo, Mako, Luka, ne Yoano; umo kechi wapachikilenga mukwabo ne.

687 Kabiji umo wa mwiabo, aya . . . Byonka biya Mamboawama kulutwe nobe bokwe, wanshipa, wachichika; Mamboawama achichika nobe bokwe, kabiji aji mfumu nobe bokwe. Inge waya kulutwe nobe kilungi kya muntu, wajimuka kabiji wachichika nobe muntu. Inge aya bu mpungu, uji na byapi binyema lubilo kabiji ne kufika peulu peene. Kiji . . . Mwamona Moombena kutazha nyi? Inge aya bung'ombe, ke mwingilo wa mbili wa kukoka, mwingilo wa ng'ombe ukoka ki—ki—kisendwa kya Mamboawama. Binyama bina bya bumi byajinga bulume foolo, abo bwajinga: Mateyo, Mako, Luka, ne Yoano; Mamboawama foolo avuma mu Kyeenyi kya Lesa. Aa ajinga . . .

688 Inge mwamona, bajinga na meso kulutwe kabiji ne kunyuma. Abo—abo . . . Konse kobaile, kyamwesheshe kyeya. Abo bamwenenga konse konse ko bayilenga. Kabiji abwa bo bulume bwa Mamboawama byobuya, akonsha . . . Aji na bwitote bwa muntu; aya lubilo lwa mpungu; aji na—na—na na bulume, bulume bwa kundosa, busenda-kikokoji nobe ng'ombe; aji na—na kutwa ne kuchichika kwa bokwe. Monai, ke Mamboawama foolo, bo bulume foolo bwa Lumwekesho, kyapitala kyabu 4.

Kijitu bulongo, pano jalondelapo:

69. Bo bang'anyi bakulumpe tweti foolo? Kijitu bulongo, Naketekela akyo kyafwainwa kwikala pa—pa . . . **Bo bang'anyi bakulumpe tweti-foolo?**

689 Pano akyo kyapeelatu, twakonsha kufika ku kyokyo. Ba tweti-foolo bakulumpe baikela ku Jitanda. Akyo kiji mu... Naketekela mba kiji mu veeleshi 4, mo kitanwa. “Kabiji kwalupukile mukwabo...” Nafwainwa ku... Twayai tumone, Njina... 4:10.

690 Kijitu bulongo, Lumwekesho, kyapitala kyabu 4, ne veeleshi wabu 10. Abo ibyo. Tusa kufikako.

Kabiji aba bakulumpe tweti foolo baponene mu kyenyi kya yewa waikala pa jitanda, kabiji bamupopwejile awa waikala myaka ne myaka, kabiji batayile minchinya yabo ku meso a jitanda amba,

Anweba mwafikilamo, Anweba Nkambo, kutambula lukumo ne munema ne bulume: mambo anweba mwalengele bintu byonse, kabiji na mambo a kyonka kyaswa muchima wenu o byaikajila kabiji o byalengelwe.

691 Pano bakulumpe tweti foolo. Mukulumpe ke mukulumpe wa pa byonse. Pano monai, bajinga bashakulu twelufu ne batumwa twelufu. Kabiji baikajile, twelufu lubaji lumo kabiji twelufu ku lubaji lukwabo. Kwajinga bakulumpe tweti foolo, abo bajinga bashakulu twelufu lubaji lumo, Lulayang’ano Lwakala; batumwa twelufu bajinga kulubaji lukwabo, lwa Lulayang’ano Lupya. Bushe Yesu kechi waambile mba, “Anweba mukekala pa matanda twelufu, na kuchibila mambo mikoka twelufu yabena Isalela”?

692 Pano, bitendekesho. Talai, muji ne kichi momwa. Kabiji kichi ku lubaji lukwabo kipanga bipangwa twelufu byapusanapusana. Kabiji byapanganga bipangwa byabyo jimo pa ng’ondo, akyo ke bang’ondo twelufu mu mwaka umo. Bipana misango ya bipangwa twelufu pa mwaka byo kiya kulutwe. *Twelufu*, ke nambala ya “bumpopweshi”, mwamona. Kabiji kuji tweti foolo, bafwainwa kwikala tweti-foolo, twelufu batumwa ne twelufu bashakulu. Baikala pa Jitanda.

693 Kijitu bulongo, pano veeleshi wa 4, nangwa, jipuzho ja buna:

70. Nga muzhinge wachijisha mu Ntendekelo 38 waimenako ka?

694 Muzhinge wachijisha, inge mwakonsha kumona, wajinga Yunda. Kabiji aye wajinga na baana babalume, kabiji umo wa banabanji babalume wasongwele mwanamukazhi mwina Kenana. Kabiji awe Mwanamukazhi mwina Kenana kechi wajingapo na mwana ne, kabiji mwananji wafwile. Bino, mizhilo pa kyokya kimye yajinga yakutola... mwaana wamulume walondelapo ye wakutola muka kolojanji, pakuuba mba wafwa akekale na lukunwa. Kabiji awa mwanamulume mukwabo kechi wakokejile kuuba byo akonsha kuuba ne, kabiji Nkambo wamwipayile. Nanchi wajinga na mwaana wamulume umo mwanyike; nanchi Yuda waambile mba, “Pembelelai poso awe

mwaana wamulume waenda . . . poso wakoma wafika pakipimo kya kusongola.”

⁶⁹⁵ Kabiji byo akomene kufika pa kifulo kya kusongola mukazhi wakala wa bakolojanji babiji, kyawama, aye wafwaijlwe kumutola ponkapatu, pakuuba mba ekale na lukunwa wa balongo banji bajinga . . . abo bafwile kunyuma yanji. Yuda kechi wamupele awa mwanamukazhi (mwanamukazhi mwina Kenana) mwaana wamulume ne, nsongwalume, kabiji wamulekeletu byonkabya. Nanchi wamwene mba ubena kuuba kyatama, oene mambo kyo emvwetele kitambala ku mutwe wanji, ne kwikala ku kifulo kya bantu bavula byonka bikala pite.

⁶⁹⁶ Yuda wayishile na kumutola mwanamukazhi kwikala mukazhi wanji, kabiji wajinga pite, ne kwikala nanji. Kabiji amba, mwanamukazhi waambile mba, “Kyawama, kika kyo wakonsha kupipula ne amiwa?” Kabiji aye . . . waambile mba . . .

⁶⁹⁷ Aye waambile mba, “Nkamupa kaana.” Aye waambile mba, “Kyawama, mpene kiyukilo kyo ukoba.” Nanchi wasendele mukombo wanji ne muzhinge ne bikwabotu, ne kwibilama.

⁶⁹⁸ Kabiji byo baletete kaana, abo kechi bamutaine pite ne, mambo kechi wajinga pite ne.

⁶⁹⁹ Pakupitapo kimye, wimwesheshe mba uji najivumo. Kabiji byo emwesheshe mba uji na jivumo, bayishile na kubuula Yuda mba, “Muko-obe-wamukazhi waiketele musango wa bupite.” Waambile mba, “Mambo akuuba mba—mba uji nanjivumo, kabiji ne bansongwalume bobo bonse bafwa.”

⁷⁰⁰ Aye waambile mba, “Kyawama, aye uketwa, kabiji ne kumusoka.”

⁷⁰¹ Kabiji nanchi watumine jiji kwi Yuda, ne kwamba mba, “Mwanamulume wauba kikye, ye wajinga na yuwe mukombo ne muzhinge.” Kijitu bulongo, aba bajinga bako-banji-babalume.

⁷⁰² Kabiji aye waambile mba, “Awa wamukazhi waoloka nkukila Amiwa.”

⁷⁰³ Pano, byo ayukile mba uji kwipi na kusapuluka, baana bajinga mapasa. Kabiji baana byo . . . Mwaana mutanshi wa kusemekwa, mwaila kisho kyakala kya Buyudeya, mwaana mutanshi uji na sambu ya bubeji, mwaana mutanshi kulupuka. Kabiji kikwabo, vulukai mba, ye wajinga mwaana wanji mutanshi. Kafwako nangwa umo mu bansongwalume wasemenepo mwaana mwi aye ne. Aye kechi wajingapo na mwaana ne poso kyonkakye kimye.

⁷⁰⁴ Kabiji mwaana wanji mutanshi byo amwekele, kwajingatu kuboko. Kabiji mpapishi wamukashile muzhinge wachijisha ku kuboko, mambo muzhinge wachijisha waambilenga mambo abukuzhi amba mwaana mutanshi wakwa Maliya kisungu ukekala . . . ukekala na muzhinge wachijisha wa bukuzhi.

⁷⁰⁵ Kabiji byo abwezhezhe kuboko kwanji munda, mukwabo ye waishile mutanshi. Kabiji byo aubile byo byo, waambile mba, “Kika kyo waubila kikye? Mukwabo ye uji na bubeji.”

⁷⁰⁶ Nanchi abyo byo byalumbulula Ntendekelo 38, mwamona. Awa mwaana mutanshi washajile poso kwiiya kwa aye Nkambo Yesu Kilishitu. Awa mutanshi wajinga mu mizhilo ya bukuzhi.

⁷⁰⁷ Mwayukatu Naambile mba...mbongolo mucheche, mwayukatu, Nkyambapo kala, amba meso anji ajinga...monse mo kyaikela, matwi anji ashikile, bino, inge wasemekelwe na bubeji, wabula mambo, mwanamukoko walumbuluka wafwile mu kifulo kyanji. Abyo byokiji.

⁷⁰⁸ Nanchi akya kyajinga kya bubeji. Mwaana mutanshi walupukile kufuma mwi bainanji, kabiji bamwene kokwa kuboko (bayukile mba kwafwainwa kubwela jibiji). Kabiji byo alupwile kuboko kwanji mu kumweshwa amba uji nakyo, aye wajinga mutanshi, mpapishi wamukashile muzhinge wachijisha ne kubwezha wabwezhezhe kuboko kwanji. Mwamona? Bino, kine, aye wajinga mutanshi. Awa wajinga muzhinge wachijisha, muzhinge wachijisha wajinga...kupita monse mu Baibolo, kyalumbulula bukuzhi; akyo kyatongwelenga kulutwe ku mwaana mutanshi wayishilenga.

⁷⁰⁹ Mbili mutanshi wasemekelwe, ne ng’ombe mutanshi wasemekelwe, musango yense ye kijimo, byonse byasemekelwe bitanshi (byalupukile) byajinga mu bukuzhi, byafwaijilwe kukulwa; bintu byonse byafwainwa kukulwa! Aleluya! Oo, akyo kindetela lusekelo. Mubena kwikumvwa nyi? Awa *mutanshi* wafwainwa kukulwa. Kyajinga ke mizhilo. Jitotwe Jizhina ja Nkambo!

⁷¹⁰ Kabiji Yesu Kilishitu byo asemekelwe, Aye wankujile ntanda yonse. Kyakine, Aye wikyubile. Aye wajinga Mukuzhi wa kilengwa kyonse kyalengelwe ponopantanda. Aye wajinga Mukuzhi. Kabiji pa...bukuzhi bonse buji mwi Aye, kabiji kechi kujipo jishinda jikwabo ja kupichilamo na mingilo yawama ne, kupichila mu kutwela mu kipwilo, nangwa kikale kika; wafwainwa kwiya kupichila mu muzhinge wachijisha, awa Mukuzhi, awa Mukuzhi wa mukipasha kyetu.

Kijitu bulongo, pano jalondelapo:

71. Byepi bya bupe...Ng’anyi byabupe bikatumwa na mambo alufu lwa batumonyi babiji ba mu Lumwekesho 11?

Oo, Mulongo Palmer, inge kechi wakonsha kwipuzha mepuzho ne!

⁷¹¹ Pano, bukuzhi, aye mizhinge, awe muzhinge wachijisha, twamona mba kyalumbulula bukuzhi.

⁷¹² Pano jipuzho jalondelapo ke:

Ng’anyi bya bupe bya mu Lumwekesho 11?

713 Kukeya kimye...Bino mbena kukumbula jipuzho ja kumbwilwe bufuku bukwabo, awa musapwishi mulunda nami wanembele pa Bayudeya, byo kikekala.

714 Bino abo Bayudeya baji na myaka-isatu-na-afu yalailwa kwi abo. Baanga bayuka kyokyo? Milungu sebete yalailwe. Waambile mba, “Mesiya ukeya kabiji ukachibiwako pakachi kamulungu.” Myaka-isatu-na-afu Kilishitu wasapwijile, waipayilwe ponka pa myaka-isatu-na-afu, myaka isatu ne bang’ondo sikisi Aye wasapwijile.

715 Kabiji akya kyabunya kileta lonaiko, ye—ye mozilemu wa ku Oma wabikilwe Pakifulo Kyazhila; monka mwaambijile Lesa, myaka tweti-faivi aduleendi kasa kikyange kumweka ne, amba kikemana ponka. Aye ngauzhi wi kimwene, kabiji wi kimwene, ne kwaamba mba, “Abo bakekala... Abo Bangetila bakekala na yewa muzhi poso Nkulo ya ba Ngentila ikapwe.”

716 Bino nangwa byonkabyo kwakishala myaka-isatu-na-afu yalailwa. Inge mwamona, abo bakamonyi ba mu Lumwekesho 11 bakaula kiumbi kimo, tuu aduleendi ne moba sikisite; kufikilamotu pa myaka isatu naafu. Bino... kabiji bamvwajile bivwalo bya majilo. Pano, monai ng’ingijilo yabo, byo iji. Pano abo babiji bakamonyi baipailwe.

717 Bino, ba... Babwelele ku Bayudeya panyuma ya Kunshikulwa kwa Kipwilo kya Bangetila. Akyo Kipwilo kya Bangentila kyaya ku Nzubo ya Kijilo kya Masongola, nobe byonka byatwajilwe Libeka ne Izaka ku kifulo kya kwa Abulahama kabiji kokwa wasongwele. Kabiji Libeka ne Izaka balupukile na luusa lwa pa byonse byajinga ne Abulahama, byonse byaile kwi Izaka. Kyakine! Kabiji kechi byaishile kwi Izaka ne kana patanshi Izaka wasongola. Oo Aleluya! Abyo byokiji.

718 Kabiji Kilishitu wikala... Lesa wikala mu yewa walumbuluka, mubiji wasongolwa myaka ne myaka kufika ne mu Peenape. Kimye Mwanamukoko ne Musongwa byo bakesongola Mwiulu, ukalupuka na luusa lonse. Kyakine! Izaka ne Libeka balupukile na luusa lonse.

719 Kabiji kimye akye kijilo po kibena kubiwa Mwiulu, kya Musongwa, aye Musongwa wa Bungentila byo abena kusongolwa ku Mfumu (Mwaana Lesa), mu Lukumo; kimye kyo besongwelenga, pa myaka-isatu-na-afu kasa kibena kubiwa... Mosesa ne Elaija... .

720 Akyo, Mosesa kechi wabujilepo ne...ine, mubiji wanji wafilwe. Ba Malaika bamusendele, aye kechi wamfwile ne, aye kechi wabolele ne. Aye wajinga kipasha kyalumbuluka kyakwa Kilishitu. Aye wafwile ne Bamalaika bamufile, kabiji ne diabola kechi wayukile nkobamuzhikile ne, kabiji waesekele kupachika ne Mikela awa Malaika mukatampe na kuzhikwa kwanji. Abyo byo byaamba Baibolo. Lesa wamutwajile mu Kushikulwa.

721 Kabiji Elaija, byo aendelenga kuya kokwa, ngauzhi wakwa Lesa, waendele kufika ku Yodano, watolele mukumba wani ne kupuma pa meema, kabiji aabene kukipiko ne kukilujio. Waendele kufika pa mutumba. Elisha waambile mba. . . Amba, “Kika kyo ubena kundondela amiwa?”

722 Aye waambile mba, “Nakeba bibese bibiji bya palubaji lwa Mupashi wenu.”

723 Waambile mba, “Obewa waipuzha kintu kyakosa, bino inge wamona byo Nsakuyanga.” Aye wabikiletu meso anji pe aye.

724 Kabiji pakupitapo kakimye, Mwiulu mwafumine kalaki wa mujilo ne Bamalaika ba mujilo, bambili ba mujilo, kabiji Elaija wakajijilemo ne kuya mu Lukumo. Aye kechi watopelepo lufu ne, waalwilwetu, wafwainwa kufwa!

725 Kabiji inge mwakonsha kumona babo bangauzhi babiji ba Lumwekesho 11, bauba bintu byonka byaubilepo Mosesa ne Elaija. Anweba mwaamba mba, “Mulongo Branham, ubena kumbula mba Elaija ne Mosesa bakijitu bomi?” Kiine!

726 Kika, akwa ku Mutumba Wakwalulwa. . . Pa Mutumba wakwalulwa, Yesu kasa akyangye kuya ku Kalvali, bonse babiji Mosesa ne Elaija baimene kasa besamba ne Aye. Kyakine, byo baubile, kechi bafwa ne. Kabiji abo kechi bakifwilepo ne; abo bakiji bomi, bafwainwa kufwa. Nanchi bajitu mu mubiji wa bulukumo kupembelela kyokya kimye.

727 Kabiji byo bakabwela ne kusapwila pa myaka-isatu-na-afu kasa bashingwa manyi a Lubatizhilo lwa Mupashi Wazhila, kimye mapesho po bakeafumya ku Bangetila (kabiji ne Kipwilo kikatwalwa mwiulu); kabiji kipwilo kya munyango, kyakoka kikalondelwa nobe bakabwa, naba komyunisiti ne kipanyi kya Benaloma, kabiji bakalondelwa ne kwipaiwa. Abo—abo bakepaiwa pa kyokya kimye; abo bangauzhi bakasapwila myaka-isatu-na-afu, kabiji Baibolo waamba mba baipailwe mu mukatampe. . . mu mukwakwa, watelwa bumupashi mba, Sodoma ne Ijipita, amo Nkambo yetu mo apopelwe. Amo ke monka mu Yelusalema; monai, monka mu Yelusalema, byo atelwa bumupashi.

728 Kabiji balajile mukwakwa pa moba asatu ne mafuku. Kabiji kupelo ya moba-asatu-na-afu, mupashi wa bumi wayishile mwi abo kabiji basangukile. Bafwile byonka bifwa mibiji yonse ikwabo, bafwaijilwe kwikyuba. Kabiji byo baipaile babo basapwishi babiji. . .

729 Basapwijile pa bintu byatama, kabiji baletele mujilo kufuma mwiulu. Waubile kyokyo ng’anyi? Mwamona? Baletele myalo kufuma mwiulu, kabiji ne kupuma ntanda bukiji na. . . kabiji pa kimye kyonse kyobakebelamo. Kabiji baletele mujilo kufuma mwiulu. Kabiji banshikile meulu kubula kunoka mvula, monka mobekebela. Ao wajinga ng’anyi? Kine bajinga Mosesa ne Elaija. Kabiji abo bo bakamonyi babiji.

⁷³⁰ Kabiji byo bamanyikilenga kipwilo, nangwa ntanda, na kusapwila kwabo; mu kubwezha Bayudeya, ne kwibaleta jibiji ku lulapilo, mu kwibabwezha mba baketekele. . . Byo bakamona Yesu kwiya na kulonda Musongwa, bakamba mba, “Talai, awe ye Lesa wetu Ye twapembejilenga. Awe ye Iye!” Bino Aye kechi ukananga abo ne; Aye ukananga Musongwa Wanji. Kabiji Musongwa Wanji. . .

⁷³¹ Kimye Yosefwa kyo aile mu Ijipita, aye kechi wasendelepo balongo banji ne, bino wamwene musongwa wanji konkakwa. Kyakine! Bino byo esolwele aye mwine ku balongo banji, kechi pajingapo nangwa umo watainwepo ne. Abyo kine ibyo. Kabiji Aye byo akesolola Aye mwine ku Bayudeya, kechi pakekalapo mukwabo ne kanatu Bayudeya. Kuji boba baipaile Yosefwa, kasa baimana ponkapa; kabiji waambile mba, “Kyawama, Amiwa ne Yosefwa, mulongo wenu.” Kabiji wajijile.

⁷³² Kabiji baambile mba, “Pano twayuka mba tusakwikimona, mambo twamwipaile.”

⁷³³ Kintutu kimo, aba Bayudeya bakekala na lumanamo lwabaya bingi kwiya kasa kukyangye kufika, kumanyikwa kwa kwibabwezha mu ntanda yabo. Kwibatajangisha nobe mikoko ibena kuya ku Mutumba wa Kamela.

⁷³⁴ Kimye aye Nkambo Yesu kyo akeya nakulonda Musongwa Wanji, kabiji Aye bakamumona, bakamba mba, “Awe Iye yetwapembelela, awa Iye!” Aye ukeya na lubuko mu byapi Byanji. Abyo ibyo.

⁷³⁵ Kabiji kipwilo, bashalapo Bayudeya, byo bakepaya baabo bangauzhi babiji, kabiji balala mu mukwakwa wa bumupashi watelwa mba Sodoma ne Ijipita, amo Nkambo yetu mo bamumpopejile, ne kwitumina bya bupe umo ku mukwabo (ntanda byo yuba).

⁷³⁶ Pano, Mulongo Palmer, byo kiji. Talai kunyuma mu jishimikila ja Kiloma kabiji mukatana mba kujitu kyaalo kimo pantanda akyo kituma byabupe panyuma ya kondo, abo bo Bufumu bwa Kiloma.

⁷³⁷ Ao oene mambo o Naambila mba aye antakilishitu ukafumina ku Loma. Aye lukinyama ukafumina mu Loma, kechi wakonsha kufumina ku Moscow ne. Ufumina ku Loma, awa sung’unyi uchila waimene mukyenya kya mwanamukazhi amba mine Mwaananyi aku Usemwatu. Awa diabola, wajinga kwepi awa diabola? Wajinga ng’anyi? Kesala Agasitusa watumenye kwipaya baana bonse kufuma pa myaka ibiji ne kubwela panshi. Awa sung’unyi uchila, sung’unyi, *kinyama* kyalumbulula mba “bulume.” Abwa Bulume bwa Kiloma bwamanyikile kabiji ne kweseka kukeba Mwaana Kilishitu.

⁷³⁸ Kabiji akya kintutu kimo! Kimye kyonse bena Loma, Loma wakala wa butunshi inge waikala na lushijilo lukatampe, betuminanga mabwe atoka ne bintutu bikwabo ku umo ne

mukwabo, nobe bya bupe byonkabya, ke bivuluko. Nanchi aa mabwe bajinga. . . Kyajinga kika, ke bya bupe bya bicheche bitumwa ku kipwilo kya Benaloma. Kyakine! Byokiji. Byo kyafwainwa kwikala.

⁷³⁹ Naimene monka mu Muzhi wa Vatican ne kwesakanya na Baibolo. Papa wamvwajile kisochi kyabufumu kya bizhingu bisatu, *Vicarius Filii Dei*, byonse bintu byo Naumvwine kabiji ne bikwabotu, kyakine bya bukine; ke jibumba ja bumpopweshi jitangijila kyaalo kyonse kiji mushi ya Mwiulu, kabiji byo kyuuba. Abyo byokiji, kiji byonkabyo.

⁷⁴⁰ Kafwako nangwa kimo kyatama na bantu baki Katolika ne (ine, mwane), bawamatu byonka biji muntu yense, bino bumpopweshi bwabo bwaya mungi mwaila Baibolo. Inge awe Baibolo uji bulongo, abo baya mungi. Baamba mba abo kechi. . . “Kechi kiji na mambo bya amba Baibolo ne, kana kyokya kyaamba kipwilo.” Twaketekela mba Baibolo waamba na luusa lwapelako! Kyakine, ke Kyambo kya Lesa.

⁷⁴¹ Nanchi mwamona popo, aa mabwe atuminwe, a Lumwekesho papo, ke oa—oa mabwe atuminwe byabupe umo ku mukwabo. Akyo kimweshatu mba. . . Aye Baibolo waamba mu, Lumwekesho papo, waambile mba, “Lekai uji na maana abale nambala ya lukinyama. Lekai uji na maana obe *kikananga-ne-kikananga*. Lekai awa uji na mupashi wa byabupe bimo obe *kikananga-ne-kikananga*.” Mwamona kipwilo byo kyaipipa nyi?

⁷⁴² Mwanamulume mwanyike waji kungipuzha lukeelo luno pa bya bupe bya bumupashi, pa kwamba na jimi. Mulunda wa kyanyike, wabukishika bingi, Naketekela mba ukekala wamwingilo mu moba amo. Kabiji nga kipwilo, Naambile mba, “Kuji byavula bingi bya bumubiji. Atweba kechi tukeba kyokyo ne, bino tukebatu kya bukine. Atweba tukeba kwikala nakyo.”

⁷⁴³ Anweba kuuba mwaya na kwibifunjisha mu kipwilo ne; kintu kitanshi mwayukatu, muji na, umo uji na lujimi, umo uji na masalamo, nanchi mwafwainwa kwikilwisha. Pakuuba inge Lesa wapana kyabupe aye mwine, kikemweshwa ak yokine. Abyo ibyo. Monai, abyo byo byabupe bya kwa Lesa, abyo Aye byo atuma ku Kipwilo pa kuuba mba kishinde.

⁷⁴⁴ Pano, antikilishitu uji na kintu kimo kyawama kabiji ne kyatama, uji na—na—na jishinda ja kutwala mungi. Kabiji abwa ke bufumu bwa Kiloma butuma byabupe umo ku mukwabo, byabupe bya ku mubiji. Lesa utuma byabupe bya bu mupashi kubooba bashinda; Benaloma batuma byabupe umo ku mukwabo.

⁷⁴⁵ Twaketekela mba Mupashi Wazhila ke Mupashi, Tumutambula na lubatizhilo lufuma Mwiulu.

⁷⁴⁶ Kipwilo kya Katolika kifunjisha, “Yukalisiti wazhila amba ye mubiji wakwa Kilishitu; kuuba mba umvwe anweba

mwatambula yuwe shinkwa ne kanyama, *ke* Mupashi Wazhila, Mupashi Wazhila, yukalisiti wazhila.” Mwamona?

⁷⁴⁷ Atweba twaketekela mba ke kibese kya shinkwa, kechi twaketekela mba ke mubiji wa Kilishitu ne, (tubena kwingegezha kuja mu mamineti acheche). Atweba twaketekela mba kyaimenako mubiji wa Kilishitu. Bino kechi byokiji ne. . .

⁷⁴⁸ Alo lolupusano pakachi ka ba Katolika ne lufunjisho lwa ba Polotesitati. Mwamona? Kipwilo kya Katolika kyaamba mba, “Aye mubiji ye. . . Awa shinkwa *ye* mwine mubiji. Kipwilo kiji na bulume bwakwalula kikye.” Bushe mwakimonapo Katolika ubena kupita pa kipwilo, wakunyika mutwe wanyi, walenga musalabo? Kabiji mambo akya kyeya kicheche kibena kutema mu kipwilo kicheche kya tabbanako. Muji kyeya kicheche momwa, kabiji awa shinkwa wikala monka mwa. “Kabiji awa ye mubiji wa Kilishitu. Kabiji umvwe waja kyokya, obewa kine ubena kuja mubiji mwine wa Kilishitu pa kuja kijilo kitanshi ne kwisolola nkobe ne bikwabotu. Abewa ubena kuja, yenka mwine, mubiji wa Kilishitu.”

⁷⁴⁹ Twamba mba *kyaimenako* mubiji wa Kilishitu, monai, akya kechi kintu kikwabo muntanda ne ke kibese kya shinkwa. Kabiji nangwa inge kechi kyajinga shinkwa ne, inge kyajinga kintu kikwabotu, kyafwainwa kwimenako kintutu kimo. Akya—akya byokiji. Nangwa abo. . .

⁷⁵⁰ Nobe baabo bantu baamba mba, “Amiwa kechi kabatizhiwa mu kizhiba ne, Nasaka kubatizhiwa mu mukola.”

⁷⁵¹ Ng’anyi lupusano lujipo, kikulu tu wabatizhiwa? Inge mu kizhiba, kabiji. . . Kika, Filipai wabatizhiwe mu kizhiba. . . kimye kya batizhiwe tungu. Kimye Filipa kyo abatizhe tungu pa kizhiba, Mupashi Wazhila wa mushikwile kyakuuba mba Aye wamusendele Filipa kwalepa, kechi wamwekele pa ma mailoshi bitota bibiji ne. Aye washikwilwe mu Mupashi, ne kumupa ka—kalaki wafumine Mwiulu pa ma mailoshi bitota bibiji. Amena. Kyakukumya!

Pano:

Bakekala kwepi bazihiywa panyuma ya myakakiumbi-kimo’ kya bufumu? Kabiji bakekala na mubiji wamusango ka? Amiwa sakubwela kukyokyo mu kakimye kacheche. [Mulongo Branham wakumbula jije jimpuzho pa palangalafu 820, pa jipuzho 74—Waku.] Bakekala ne Yesu.

⁷⁵² Kijitu bulongo, ji—jipuzho ja busebeni:

72. Tukebachibila mambo byepi bamalaika?

⁷⁵³ Akyo kitanwa mu. . . Tukebachibila byepi mambo bamalaika? Ponka pakwikala baana babalume ne babakazhi ba kwa Lesa. Bamalaika bakalume; atweba twibaana babalume ne babakazhi bakwa Lesa. Kabiji Baibolo waamba mba tukachibila mambo bamalaika. Abyo ibyo. Pano, inge anweba. . .

Jipuzho jabu 8:

73. Kika suki mambo a bamalaika kiji mu Kolinda Mutanshi?

⁷⁵⁴ Pano muntu umo amweneko Kolinda Mutanshi, mu—mu kyapitala kyabu 11, kabiji tusakumona popa, musakutana mba aye—aye. . . Mu Kolinda Mutanshi, wabu—wabu 11, twatana mba Paulo ubena kwamba. Lekai monepo mu mineti umo, kabiji tusakutangapo bukiji bukiji apa bino ne—ne kwikilondela.

⁷⁵⁵ Njina kintu kimo kya kwamba pa yuwe veeleshi mukwabo papo, po Naketekela mba Nkambo ekipane kwi atweba mujishinda jo twafwainwa kwikala nakyo. Inge muntu umo wikitana. . . Naketekela mba kyo kyapitala kyabu 11, ee, kijitu bulongo. Pano telekai bulongo, pepipepi, pakuuba mba anweba mukwatakanye. Pano anweba tolai milanguluko yenu yonse ne kwiyibika mupokochi wenu poso Napwisha kutanga kikye, mwamona, mwambepo pa Kikye. Telekeshai bulongo, akye ke **ABYO BYOBYAAMBA AYE NKAMBO:**

Ikalai bankulondela amiwa, byonka Amiwa . . . amiwa byondondela Kilishitu. (Paulo waambile mba, “Anweba ndondelainga, byonka Amiwa byondondela Kilishitu.”)

Pano Amiwa nemutota anweba, balongo, anweba byo mumvuluka mu bintu byonse, ne kulamisha milaye, monka mo Nemufikizhizeyo . . . kwi anweba.

Bino Nasaka namba anweba muyuke mba mutwe wa mwanamulume yense ye Kilishitu; kabiji mutwe wa mwanamukazhi ye mwanamulume; kabiji mutwe wa Kilishitu ye Lesa.

⁷⁵⁶ Monai byo kiji? Lesa, Kilishitu, mwanamulume, mwanamukazhi. Pano:

Mwanamulume yense ulomba nangwa kwaula, mutwe wanji kasa amvwetwa, wapelula Kilishitu.

Pakuuba mwanamukazhi yense ulomba nangwa kwaula kasa abula kumwala ku mutwe wapelula mutwe wanji: . . .

⁷⁵⁷ Pano twayai pa mineti umotu, kabiji nemumweshe mba suki ku mwanamukazhi kyo kyakumwala kyanji:

. . . mambo kyo . . . kintu kimotu pamo nobe wakuyula mutwe. (Akyo kyalumbulula mba inge—inge wakuyulwa suki yanji, kyawama atendwe.)

Kabiji umvwe mwanamukazhi wabula kuvwala ku mutwe, kyawama atendwe: (kukuyulwa kyalumbulula kutendwa, mwamona) . . . bino byokiji kintu kya bumvu mwanamukazhi kukuyulwa nangwa kutendwa mutwe, nanchi avwalengako.

⁷⁵⁸ Pano ketufike ponka pa jipuzho jo mubena kwipuzha. Mwamona? Kijitu bulongo, pano kyatama ku—ku inetu ku tenda

suki yanji, mwaila Baibolo. Pano telekai papo mumone inge Baibolo kechi wapana sambu ku mwanamulume ya kukana mukazhi wanji inge watenda suki yanji, monai kikyeye kana kiji bulongo nangwa ine.

Inge *mwanamulume*... *Mambo mwanamulume kine kechi wafwainwa kuvwala ku mutwe wanji ne* (ako, ke kwikala na suki yalepa), *mambo aye ye kipasha ne lukumo lwa Lesa: pakuuba mwanamukazhi uji mu lukumo lwa mwanamulume.* (Bushe mwalangulukapo kyokyo nyi?)

759 Pano Nasaka kwimana papo, mambo Nakeba kikyeye kitwele bingi bulongo, mwamona. Kabiji pano vulukai, Amiwa namona makumi a masauzande a banabakazhi balamba (bayukai ponka pano, kabiji bavula bingi baikala mu kino kipwilo) baji na suki ipi, baji Benakilishitu. Kabiji kyo Mbena kwambapo kechi ke obewa ne, ke jishinda jo bemufunjishemo. Mwamona? Byokiji. Basapwishi benu kechi be mubujile kikyeye ne. Bino inge bamo banabakazhi ba ku tabbanako baji muyewa musango, nishi bazhatwa. Monai, mambo kine twibabuula pa kikyeye.

760 Pano, monai kikyeye:

...*mwanamulume*... *Mambo*... (veleshi wabu
7)... *Mambo mwanamulume*...

761 Pano, ing'anyi ubena kwamba papo? Pano, kimye kimo inetu waamba mba, "Oo, Paulo wajinga na bushikwe-bwabanabakazhi bwakala."

762 Kyawama, pano kimye kyo tuji pa kyokyo, twayai tuzhikule mu Galatiya 1:8, kabiji mumone Paulo byo aamba pa kikyeye, monai, mu Galatiya 1:8. Mukatana mba Paulo waambile papo mu Galatiya 1:8:

...*nangwatu atweba, nangwa malaika wafuma mwiulu, wasapwila mamboawama akwabo kukila pa aao o mwaumvwa kala, mulekai ekale wafingwa.*

763 Bino kunzhachisha ne, anweba muzhachishai Aye, mwamona.

Mambo mwanamulume kine kechi wafwainwa kuvweta mutwe wanji ne, mambo aye ye uji mu lukumo ne kipasha kya Lesa: pakuuba mwanamukazhi uji mu lukumo kabiji ne kipasha kya mwanamulume.

764 Pano monai veleshi walondelapo:

Mambo mwanamulume kechi ye wa mwanamukazhi ne; pakuuba mwanamukazhi ye wa mwanamulume.

Kabiji mwanamulume kechi walengejilwe kwikala wa mwanamukazhi ne; pakuuba mwanamukazhi ye walengejilwe kwikala wa mwanamulume.

⁷⁶⁵ Pano, Natazha kikye mu butemwe ne buwame, kabiji Naketekela mba anweba mwikyumuwa monka mo Naambila kikye. Bino America . . . Nobe kang'enda wa mu byaalo, America ye uji na ba panshi-peene, mizhilo ya banabakazhi yabwela bingi panshi mu kyaalo kiji kyonse pantanda. Paris, France wakonsha kwikala uji-peulu peene ku lubaji lwa America byo aswisha banabakazhi babo kuuba. Ke kyabumvu!

⁷⁶⁶ Bushe mwavuluka mba lesa wa mu America ke mwanamukazhi? Nakonsha kushinikisha kyokyo kwi anweba kupichila mu Baibolo. Abyo ibyo. Bushe mwalanguluka mba kyafwainwa kwikala muyewa musango pakuuba mba kipwilo kya Katolika baletemo lufunjisho lwabo lwa kisungu Maliya?

⁷⁶⁷ Bino, inge mwanamukazhi kechi walengelwe kwikala wa mwanamulume ne, kechi . . . Inge mwanamulume kechi walengejilwe mwanamukazhi ne, pakuuba mwanamukazhi ye walengejilwe mwanamulume, nanchi mwakonsha kupompwela byepi mwanamukazhi? Mwamona? Pano, kika kikyubile byobya, kyatatwijile mu Paris kabiji kyafika ne mu Hollywood. Pano Paris wiya ku Hollywood na kutambula mwekelo yabo ne kutambulako mafwashi abo ne bintutu bikwabo, ke kubwezha panshi kwa banabakazhi ba mu America.

⁷⁶⁸ Kyo kika? Kyaalo kyetu kyabwela panshi bingi bafika ne pa kutambula mingilo kufuma ku banabalume, kabiji ne kubika banabakazhi momwa mu mampuzha, poso naite paseti wa mwiabo, pepitu, kwikala bapite. Kabiji inge mwaamba ba banabalume kubwela panshi, kine, ke mambo akuuba mba baji na banabakazhi mu makito abo. Kabiji baji bingi panshi-peene poso babika banabakazhi kwikala bakulama mutende mu mukwakwa. Akyo ke kyabuvu ku kyaalo kiji kyonse! Ee, mwane. Musa kuuba byepi pa kikye?

⁷⁶⁹ “Kika kyo usakuuba pa kikye, Mulongo Branham?” Nafwainwa kupana mushingi kwi akyo, Amiwa ne mwina America, Nguba kyobamba bakulumpe bamingilo. Inge Nakonsha . . . Inge akye—inge kisemi kyataya munema wa kisemi (baana bataya munema wa basemi), akya kisemi kyaabanapo bipivwa. Inge—inge kipwilo kyataya munema wa kafunga wabo, kika akya kipwilo kyapwa. Kabiji umvwe kyaalo kyataya munema wakyo ku konchi mukatampe wa kyaalo ne fukwiilo yakyo, akya kyaalo kyaabenamo. Abyo kine ibyo. Twafwainwa kupana mushingi ku byo byo bintu mambo bo bakulumpe bamingilo, mwamona. Bino kechi kyajinga bulongo mu ntendekelo ne. Kinetu!

⁷⁷⁰ Bushe mwayuka mba mwanamulume mu Baibolo . . . mu Ntendekelo, kyapitala kyabu 1, kimye Lesa kyo alengele mwanamukazhi ne—ne mwanamulume, kabiji walengele mwanamulume ne banabakazhi, kabiji Lesa wabuujile Eva mba “balume bobo bakakutangijilanga obewa, kwikala tangi obe”?

Waamba kyokyo mu America wakonsha kumona kwakufika! Mulunda, kechi kiji byobyoye ne, mwanamukazhi utangijila mwanamulume; bafwainwa kuuba kyokyo, mampuzha a mvula ya bantu abikwako . . .

⁷⁷¹ Nakonsha kuleta banabakazhi, inge Nafwainwa kuuba, kufuma mu kibamba kyami momwa, bavula bingi, banabakazhi bawama . . . Amiwa kechi naamba mba bonse banabakazhi kechi bakonsha kwingila bimwe bimo ne; kapepo banji na mulume wakolwa nangwa kintu kimo, bafwainwa kwingila. Bino inge kechi bafwainwa kwikyuba ne, kechi bafwainwa kwikyuba ne. Kifulo kyabo ke pa nzubo, kanzubo kabo kacheche, akwa kine kobafwainwa katanwa.

⁷⁷² Kabiji banabakazhi betu bena America baji na jishoko ja kuja ngulu nangwa kufwa. Kabiji ne mubanyama bonse ne bikwabotu, inge akya kintu kyashinda, kisenda mpuzha ne kulengulwisha kisemi kyonse.

⁷⁷³ Kuji kang'onyi kakacheche mu Africa, kabiji ako ke kang'onyi kacheche kachiluluka.

⁷⁷⁴ Pano, kimye kyonse, mwanamukazhi ye wikala wabula kulamba pakachi kabaabo babiji. Mulume kimye kyonse ye wakila kulamba, diyala mulume, mulume tengu, mulume walamba, awa—awa mulume nzolo, kabiji kimye kyonse ye wakila . . . Mambo, mukazhi ke ng'onyi wa panzubo. Aye wikala pa kisa, ne kukomesha twaana twanji. Aye ufyama ku kabemba, ku muloolo, kibimbe, ne bikwabotu, monai, pakuuba mba akomenshe baana banji.

⁷⁷⁵ Bino mu mutundu wa muntu ako . . . nangwa mu buntu awa—awa—mwanamukazhi, nangwa bwanabukazhi, bwashinda mu buuya, kimye kyonse kikala musango wa kwibwezha panshi. Mu Africa, mwatola ng'onyi . . . Kuji kang'onyi kakacheche kokwa, kabiji konkoka mu byaalo byo Nayuka, awa uji bwanabukazhi wakila mu kulamba kukila uji mu bwanabulume. Kabiji inge kyaikala byobyoye . . . Aka—aka kang'onyi kimye kyonse kekala ka pite. Kakonsha kunyema ne kutana mulume, kabiji kaya na kusema make panyuma ya kusambakana na mukwabo, kabiji kaleka mulume wafukamina pa make akwe kasa kaya na kukeba mukwabo. Abyo kine ibyo. Mwamona? Mwamona mo Nekitazha nyi?

⁷⁷⁶ Mu, pano talai, mu America leelo, banabakazhi betu. Mwanyike mwanamulume kufuma ku Kentucky wambujile, moba acheche apitapo, amba akwa kuji eiti aduleendi banabakazhi babena kwingila ku mukinyi uno mu Kentucky. Kabiji waambile mba, “Nakonsha kwamba patoka na luchipo amba foolo aduleendi ba mubooba kine ke bapite ba mu mukwakwa, kabiji ne banabakazhi basongolwa baji ne na baana.” Umo shetu watwajileko mukazhi wanji kokwa kabiji wakwatakene na bamukije, kabiji wajitu pepi na kumwipaya.

Kabiji mukwabo wayile na kuloza mwanamulume. Kabiji mukwabo kwichiba ne kulwa. Akyo kechi byo kyafwainwa kwikala ne. Akyo kechi ibyo ne.

⁷⁷⁷ Bwezhai mwanamukazhi mu kinkini mukifulo kyanji, nanchi bintu byonse bikekalatu bulongo. Pakuuba umvwe mwamubika mu mingilo ya kintu bwingi, nishi waya. Kyaki-. . . Amiwa kechi ng'amba kyokyo. . .

⁷⁷⁸ Abo banabakazhi bena America basutula myona yabo ne kwamba mba, "Kafwako byokiji Kyokyo ne." Kabiji, "Anweba mweeshai." Kyakine, wafwainwa kwikyuba, mambo Baibolo waambijile jimo amba mukeyyuba. Obewa wafwainwa kwikyuba.

⁷⁷⁹ Kabiji kuno kimye. . . Byokyaikalanga, kunyuma kwine, mu kipwilo kya Methodist, inge mwanamukzhi watenda suki yanji, bamulupulangomo mu kipwilo. Kyakine, byo baubanga. Ee, kine. Banazarene, Pilgrim Holiness, ba Pentekosito, bonse bekyubanga. Kika kiyamwekele?

⁷⁸⁰ Anweba mwayuka kine kintu nyi? Muji na basisi kunyuma ya pulupiti. Abyo kine ibyo. Muntu umo uji na moyo na jichikichi ja kajo. . . moyo wakuchina mba mwakebapanga, kwibafyumamo mu kipwilo. Abo kechi bajinga na bulume bwakwimana ne, kwimana pa Kyambo kya Lesa nangwa Kikozhang'ane nangwa kechi Kyakonsha ne. Abyo kine ibyo.

⁷⁸¹ Telekai kuno, mwanamulume ye tangi. Kechi mulanguluke mba anweba mukatangijila nzubo ne. Obewa kechi yobe tangi wa nzubo ne. Obewa kyakine uji. . . Obewa kechi wimuzha ne, bino obewa wi kwasho. Kabiji Adama. . . Aye mwanamulume ye utangijila mukazhi wanji, kabiji aye waikala na nsambu pa mukazhi wanji. Lesa ulengela mwanamulume kukumbula pa mukazhi wanji. Pano, tangai mumone kana Lesa waamba kyokyo pa kino kimye.

Mambo mwanamulume kine kechi wafwainwa kuvweta mutwe wanji ne, mambo ye uji mu kipasha ne mulukumo lwa Lesa: . . .

⁷⁸² Lesa kechi mwanamukazhi ne, Lesa ke Mwanamulume. Mwayuka inge balenga Maliya kisungu ne byonse bya, ne kusashiji-. . . nangwa bya kusashijila muyewa musango, kabiji ne kulomba kwi Maliya kisungu, mwayuka kyo nkivulula nyi? Awa lesa mukatampe Diana mwanamukazhi, awo Paulo ye akajipijile. Abyo ibyo. Aye waambile mba, "Kika, Lesa kechi mwanamukazhi ne!"

⁷⁸³ Jibwe japonejile mu bujimi, kabiji baambile mba lesa mwanamukazhi wataya panshi kipasha kyabo, oene mambo banabakazhi ku Kolinda, kabiji ne kulutwe, aye. . . bapopwejile Diana, bakebelenga kwikala basapwishi.

784 Abo baambile mba, “Kika, mupashi witubula mba twafwainwa kusapwila.”

785 Aye waambile mba, “Olo? Ko kwi anweba kwafumine Kyambo kya Lesa, nangwa kyafumine kwi anweba yeka nyi? Inge muntu wilanguluka mwine mba ne ngauzhi nangwa mba ye ngauzhi, mulekai ayuke mba byo Naamba yo mikambizho ya Nkambo: lekai mwanamukazhi ekale wazhindama kabiji wakunekenena mu kipwilo, kechi kufunjisha ne nangwa kwikala na bukulumpe ne.” Abyo kine ibyo! Abyo byo byaamba Kinembelo. Mwamona? Kabiji Lesa ukalengela jibumba jikatampe ja basapwishi kupewa mambo pajoja Juba ja Buchibishi bwamambo.

786 Kyawama, telekai! Anweba mwamba mba, “Kyawama, Amiwa ne mubuula, Nafunjishiwe kyokyo.” Anweba mwayuka bulongo pano! Abyo ibyo. Inge obewa nangwa muntu umo watatula kutoma muchi, kabiji muntu umo wakubuula mba kuji bulembe, kabiji obewa—obewa watwajijilatu na kutoma, alo ke lukatazho lobe panyuma ya kyokyo. Mwamona?

787 Pano telekai ku kikyē:

Mambo mwanamulume kechi ye wa mwanamukazhi ne; pakuuba mwanamukazhi ye wa mwanamulume.

Mambo na onka ano mambo mwanamukazhi wafwainwa kuvwala ku mutwe wanji na mambo a bamalaika.

788 Anweba bonse mubena kwikitanga nyi? Mutanshi Kolinda, kyapitala kyabu 11, kabiji ne veeleshi wabu 10. Inge mwamona, “bulume,” (Kika?) “bwa bamalaika,” Kolinda Mutanshi, mambo bamalaika ke mwanamulume, ye muluwe. Talai, ke mucheche “ba” jibiji. Mwaila ndonda ya Bamalaika, ya Bamalaika Bamwiulu, ke mukatampe “B,” Mukatampe “B.” Paji mucheche “ba,” ke bantu bamalaika.

Nangwa byonkabyo kechi kuji mwanamulume... nangwa mwanamukazhi, ... nangwa aye mwanamukazhi kechi waikala pa kubula mwanamulume—mwanamulume ne, mwi Nkambo.

Mambo mwanamukazhi ye wa mwanamulume, nanchi ne mwanamulume naye ye wa mwanamukazhi; ... bintu byonse bya kwa Lesa.

Langulukai... anweba bene: bushe kyafwainwa aye mwanamukazhi kulomba kwi Lesa (na suki ipi) kwakubula kuvwala ku mutwenyi? (kilangulukai pano)

789 Pano monai:

Lelo mwine muchima kechi wimufunjisha, mba, inge mwanamulume uji na suki yalepa, ...

790 Kwaamba mba, “Pano kyatala muka?” Suki. Kechi mwamona Paulo kyo abena kwambapo nenyi? Suki, suki yalepa! Inge. . . Mwanamukazhi wafwainwa kwikala na suki yalepa. Veeleshi wabu 14 pano:

*Lelo aye mwine muchima kechi wimufunjisha, mba,
inge mwanamulume uji na suki yalepa, ke kintu
kyabuvu kwi aye mwine nenyi?*

791 Mwikyumvwa nyi? Ke kyabuvu mwanamulume kwikala na suki ya lepa, pakuuba mwana- . . . akyo kyo kifulo kya mwanamukazhi. Lesa walengele mwanamulume kwikala wapusanako na mwanamukazhi, mundengelo ne mu mwekelo kabiji ne byonse byashala. Aye kechi wafwainwa kumvwala kya kuvwala. . . Aye Baibolo waamba mba “inge mwanamukazhi wakonsha kumvwala matoloshi nangwa kyakuvwala kyonse kyapasha nobe kya mwanamulume, ke kyabunya ne ndochi kabiji kya bubipisho ku meso akwa Lesa.” Kabiji Lesa ukamuzhachisha. Ng’anyi ye usa kutelekako? Bino yuwe ye Baibolo!

792 Kabiji inge wazhokoloka ne kwamba mba, “Kika, Nalanguluka mba kyawaina. . . monai banabakazhi kumvwala matoloshi.” Bino Lesa wibalengele bapusana, Aye wibakeba kuvwala byapusanako.

793 Kabiji Baibolo waamba mba, “Inge mwanamukazhi wakonsha kumvwala kyakuvwala kyapashako kya mwanamulume, ke kyabunya.” Mwayuka *kyabunya* byo kiji nyi? Ke “kintu kimo kyabubipisho kumeso akwa Lesa.” Kabiji aye Yehoba Mukatampe Watala pe obewa ke umweke nobe kintu kyabubipisho. . . Kabiji Baibolo waamba mba. . .

794 Kabiji anweba mwaamba mba. . . Anweba bamo baineti, ku bansongwakazhi banyike bakitwala, eitiini, myaka tweti, kwibaleka kwendauka kasa bavwala yewa musango!

795 Kabiji anweba, ne anweba, maama! Mwamona? Inge mwalupuka kasa mwavwala atwa tumatoloshi ne bintu kabiji mwaikala. . . mwaya ne pa mukwakwa, kabiji—kabiji ne kwikala na byakuvwala byakala byo babena kulenga ano mooba, kabiji byakulengela obewa ke umweke musango wabula obe. Mwamona? Kabiji waya pa mukwakwa na mwekelo ya bukende, obewa wakonsha kwikala wabula mambo kabiji watoka ku mulume obe ne bintu byonse, bino inge waya pa mukwakwa kabiji mwanamulume watala pe obewa mambo wimweshwa obewa mwine muyewa musango, obewa wazhatwa, kabiji obewa ukakumbula pa Juba ja Kije na mambo a kulenga mambo abukende na yense mwanamulume watajile pe obewa mu yewa musango. Abyo byo byaamba Baibolo.

796 Aye Baibolo waamba mba, “Yense utala pa mwanamukazhi na lwiso lwa kumukumbwa, walenga kala mambo abukende

monka mu muchima wanji,” kabiji obewa wazhatwa ne kuuba . . .

⁷⁹⁷ Obewa waiya ku kije ne kwamba mba, “Nkambo, Anweba mwayuka muchima wami; Amiwa kechi nalengelepo bukende ne, Naikele wakishika ku mulume wami.”

⁷⁹⁸ Bino papo pakekala mwanamulume, apo pakekala mukwabo, apo mukwabo, mukwabo, mukwabo, fiftiini, tweti, sate, bonse fote baimana byobya kasa baamba mba, “Wazhatwa na bukende!” Kika? Mwanamulume umo watajile pe obewa.

⁷⁹⁹ “Kyawama, Amiwa kechi najingapo na kintu kyakuuba nakyo ne.” Kyawama, kika kyo wimwesheshe obewa mwine muyewa musango? Kimye Lesa kyo akwambijile mba kwibivwala ne, kyajinga kyabunya kwikyuba, kabiji muteleka ku *Ng’anyi Watemwa Susie*? Nangwa kyo kika . . .

⁸⁰⁰ Bushe mwajikumona kyaubiwa na *Ng’anyi Watemwa Susie*? mulume wanji? Anweba bonse mwamwene katataka mu pepala wa byambo. Kimye kyo twajinga ku Casper, Wyoming, ko kyafumine. Kabiji jizhina janji ng’anyi? Awa mwanamulume wa . . . pe *Atweba Twatemwa Susie*, nangwa kika mu—nangwa kyajinga kika mutanda? Aye . . . Oo, byo mwikala pa nzubo pa Kisatu bufuku kabiji ne kupuswako ku milombelo pa kuuba mba mumone. Kyokika pano? *Atweba Twatemwa . . . Ng’anyi jizhina ja kyokya?* [Nyenga waamba mba, “*Amiwa Natemwa Lucy*.”—Waku.] *Amiwa Natemwa Lucy*, mulume wanji wafwainwa ku . . . ba mupuma, wakwatwa kokwa ku Reno, Nevada, na nsongwakazhi wachiluluka, waikala nanji myaka yavula. Kabiji akyo kyomwikela pa manzubo nakumona mu kimye kya kuya, na kumvwa Mamboawama. Mwanamukazhi wikyambile. Oo, lusa! Kechi pajipo kintu k yatoka pangye ya Yesu Kilishitu ne!

⁸⁰¹ Apeshe muchima wenu, mulongo, Na—Na kubuula obewa—obewa mwanamulume, bintu bimo bya . . . Mwaamba mba, “Oo, ami, talai pa jibumba.” Bamo ba—bamakubi bo tuji nabo batama bingi, baja bifwila, ke bang’onyi bawama bingi. Obewa kechi wakonsha kuzhachisha ng’onyi na mambo a mayona anji ne, mwamona. Nanchi vulukai kyokyo. Oo, ami!

⁸⁰² Pano monai:

Lelo *muchima mwine . . .* (amo ke mu veleeshi wabu 14) . . . *wimufunjisha*, *amba*, ke kyabumvu mwanamulume kwikala na suki yalepa nenyi? (Akyo kiji kulubaji lwa mwanamukazhi.)

Pakuuba inge mwanamukazhi uji na suki yalepa, lo lukumo lwanji . . .

⁸⁰³ Nanchi ubena kwamba pa ng’anyi kintu? Kisochi anweba bantu baki Katolika kyo mumvwala mu kipwilo? Ine kyakine! Kya kuvwala kicheche ku mutwe obe, na katambala? Aye ubena kwamba pa suki yobe!

804 Pano! Inge mwanamukazhi watenda suki yanji, watenda lukumo lwanji, kabiji kechi kyaswishiwa kukitapisho na kulomba ne. Monai, byo kyaamba papo, “Bushe kyaswishiwa mwanamukazhi kulomba kasa abula kumvwala ku mutwe nyi?” Waamba papo, mba, “Kyawama, wafwainwa kutendwa suki yanji.” Nanchi kyafwainwa atendwe. “Kabiji umvwe wakonsha kutendwa,” amba, “wapelula, ke kyabumvu mwanamukazhi kuuba kyokyo.” Nanchi waamba mba, “Wafwainwa kwimvweta.” Pano, Amiwa mbeni—Amiwa mbeni kutangatu kalata ya Paulo. Anweba bonse, kiji kwi anweba, mwamona.

Pakuuba inge mwanamukazhi uji na suki yalepa, ke lukumo lwanji: mambo suki bamupele mba ya kuvweta mutwe wanji.

805 Bushe kyaamba mba ukapewa kisochi nyi? Anweba bantu baki Katolika nangwa anweba ba Polotesitati, uji yense, uya ku kipwilo kasa amvwala kisochi, amba, “Kyawama, Amiwa mbeni kuya ku kipwilo, kyafwainwa kumvwalako kisochi.” Ine, wafwainwa kuleka suki yobe yakoma. Alo lolupusano. Mwamona?

. . . mambo suki bamupele mba ya kumvweta muntwe wanji. (Kabiji kyabumvu kwi aye kwiya ku kipwilo kwakubula kumvweta muntwe wanji, kuya ku kitapisho na kulomba.)

Bino umvwe muntu wamweka nobe—nobe walupata. . . (Amiwa kechi naketekela mba nakonsha kutongola kyokyo kyambo, w-a-l-u- . . .) . . . Walupata—walupata (mwayuka kyalumblula lupata), kechi tujipo na yeo musango ne, nangwa mu Kipwilo kya Lesa ne.

806 Pano inge anweba mubeni kukeba kupachika pa kikye, anweba pachikai na Kyokyo. Kijitu bulongo, inge ukeba kwikala walupata pa kikye, “Oo, kechi kijipo nalupusano ne. Balesai batwajijile. Kika, Nalanguka mba kafwako byo kiji ne. Ami. . . Kechi biji suki ne, nangwa byonkabyo, kana kyokya kiji muchima.” Akyo kyakine; inge muchima uji bulongo, suki yakonsha kwikala bulongo (Uu-uu).

807 Yanga kulutwe, inge ubeni kukeba kwikala walupata, Paulo waambile mba, “Atweba kechi tuji na kisela kya byonkabyo ne, nangwa Kipwilo kya Lesa ne.” Waambile mba, “Inge ubeni kukeba kutanwa ku lubaji lwa kwa Kaina, kyawama, twajijila kuya kulutwe.” Bino Abye Paulo byo aambilenga.

808 Oo, Amiwa kechi natanza mu kuuba mba seke ne, mambo kechi kintu kyakusekesha ne. Bino Nemubula balunda, ke kyabumvu pa kumona bibye bintu byo bebiswisha kubiwa. Ami. . .

809 Telekai! Kwi anweba, batemwe banyenga yami, Nasaka namba anweba mumwekenga bawaina kabiji mwikale bawaina,

abyo byomwafwainwa kwikala. Abyo byo mwafwainwa kwikala. Kabiji mwafwainwa kwikala bawaina kabiji bapya ne byonse byo mwakonsha kuuba inge balume benu bafika, kijitu pamo nobe mutemwe wenu. Kabiji wafwainwa kumukumanya pa kibelo na—na kwifyopa kyawaina kwi aye byonka byokyajinga kimye kyo wamufyompele kukitapisho amba ekale mulume obe. Abyo ibyo. Amiwa kechi mbena kwimuzhachisha pa mwekelo ya buwame ne kabiji ne pakwikala pa buwame bwenu ne. Kabiji Nakeba mba anweba mwikale byonkabyo, Lesa wayuka mba Amiwa byonji.

⁸¹⁰ Kuno kimye kya kunyuma, Naambilenga kwi Jack Shuler. Ng'anyi wamumvwapo kala Jack Shuler? Ye musapwishi waya bingi kuwa ba Methodist ye baji nanji. Aye waambile mba, “Mwanamukazhi wayishile na kwamba mba . . . suki yanji yonse ndochitu, kabiji wanyewinenga-bbambu, kabiji vwajilo yajinga kichika, waambile mba, ‘Mwayukatu, balume bami kechi babena nkuswa jibiji ne.’”

⁸¹¹ Aye waambile mba, “Amiwa kechi mbena kumuzhachisha ne.”

⁸¹² Abyo ibyo. Pano, bino kyo wafwainwa kuuba, wafwainwa kwikala mu jishinda jawama. Kechi musende buwame bwenu ne kulamba kwa ku Hollywood ne, kusendai kufuma mu Baibolo, kumeso a Lesa. Ikalai bu inetu, byubilo nobe inetu, mvwajilo nobe inetu, ikalai batokeshiwa. Ubai byubilo nobe inetu, kechi mumvwale byobyo . . .

⁸¹³ Yense mwanalume uswisha mukazhi wanji kulupuka kasa amvwala totwa tubitu tucheche ku banabalume, kabiji abya bintu bicheche byakala . . . walupuka palubaza na kukupa lubaza, ne bintu biji byobya, mwane, Amiwa mbena kukubula, mulongo! Amiwa kechi—Amiwa kechi natazha mu kuuba mba ngikale wamyendeleke ne, Amiwa . . . Lesa wayuka mba awo ye muchima wami. Bino Nafwainwa ku . . . Amiwa nkekala wapipulwa bingi pakuuba mba Namuleke wami ekyube. Amiwa nkekala mukulumpe pa mutumba kokwa kikulutu Nakonsha kuuba, mwamona; kabiji inge kechi Nakonsha ne, Amiwa kafumako kokwa. Abyo ibyo.

⁸¹⁴ Oo, mulongo, akya ke kyabuvu ne myendeleke banabakazhi kuba kyokya. Kabiji Amiwa—Amiwa kechi natazha mu kuuba mba, nyenga . . . Ami—Amiwa kechi mbena kwimulengulula ne, Amiwa mbena kwesekatu kwamba mba . . . Kipwilo kyetu kuno kechi kiji na bamembala ne, bantu beyatu kuno. Bino ino ke nzubo yakwa Lesa, kabiji atweba kine tubuula bantu amba kechi bamvwale byobya bintu ne. Kuuba mba . . . anweba mukakumbula pa kyokyo pa Juba ja Buchibishi bwamambo. Pano talai kuno. Kabiji lekai suki yenu ikome, mwamona, mwikale inetu.

⁸¹⁵ Pano:

Kabiji mu kikyē kyo...Mbenā kwimubula kechi Nemutota ne, mambo mu kupwila kwenū...kechi mubenakwiwamisha ne, mubenakwitamisha.

Mambo kitanshi, anweba byo mupwila pamo mu kipwilo, Naumvwa mba mukachi kenu muji mepatulo; kabiji ne bikwabotu... (pano ke kiye ku tebulu wa nkambo)

816 Pano telekai ku Kyokyo. Oene mambo bamalaika . . .

817 Pano, Mulongo Palmer, Amiwa kechi mbenā kwimubuula pa yuwe tepu ne anweba sapwilai kintu kimo koko kyonka kyo Mbenā kuuba kuno. Bino mwayuka bingi bulongo, kabiji obewa byo uji musapwishi, mwayukatu amba abwe ke Bukine, mulongo. Kijitu bulongo.

818 Nanchi *bamalaika* papo ke “bantu.” Inge mwikimona, Mulongo Palmer, kiji mu kisopelo kicheche, “bamalaika.” Kabiji Baibolo watwajijila . . . Aye ubena kwamba pa mwanamulume ne mukazhi wanjī, monai, abyo byobiji mutwe.

819 Ajo jo jishinda bantu jobekelamo bavulang’ana mu Baibolo, baamba mba, “Kyawama, Lesa waamba kintu kingi *papo*, kabiji umo . . .” Ine, anweba—anweba mufumamo mu yuwe mutwe. Ikalai monka muyuwe mutwe, byo byonka. Aye ubena kwamba pa mwanamulume ne mukazhi.

820 Pano paji kintu kimo kyo Mbenā kukeba kufikapo kasa tukyange kupwisha, kabiji kisakusendatu mamineti abiji:

74. Bazhijikwa bakekala kwepi pa kupita bufumu bwa myaka-kiumbi-kimo? Kabiji bakekala mu mubiji wamusango ka?

821 Naketekela mba aje ke jipuzho jimo jawamisha bingi, Amiwa natemwa bingi kikyē. Pano twayai tuye mukikyē.

822 Muntendekelo, Lesa . . . Tusakubwela kulufunjisho lwetu lwa mu Kihebelu pa mamineti achechetu. Lesa wajinga iye mukatampe, nsulo ikatampe ya misombelo sebeni. Baanga bayuka kyokyo? Mwamona? Kabiji baanga bayuka mba Lesa uji na Mipashi sebeni? Kine, Mipashi sebeni. Kabiji mwajinga meso sebeni mu mwanamukoko, kabiji ne bikwabotu, byonse bya bibena kwiya pamo pa kino kimye. Mwamona? Pano, awa wajinga Lesa.

823 Pano Aye byo (ye Logosi) afumine mwi Lesa, ao wajinga Lesa kufuma ku iye nsulo ikatampe mu mubiji mu musango wa—wa bumuntu; kabiji walengele Logosi, yetutela mba fiyofani.

824 Pano, inge mwatola fiyofani mwamutala, awa ke muntu. Pano atweba . . . Pano, apo ipo potwajinga muntendekelo. Pano, anweba kechi mwikyumvwisha pakino kimye ne, bino obewa wagingako muntendekelo mu yewa musango. Kimye muntu kyo alengele . . . Kimye Lesa kyo alengele muntu mu kipasha Kyanji, Aye wamulengele mumusango wabu fiyofani. Kabiji Aye wamubikiletu mu mubiji . . . Kimye Lesa kyo alengele muntu mu

kipasha Kyanji, mu kipasha Kyanji, bajinga . . . Mu Ntendekelo 2, kwajinga . . . nangwa Ntendekelo 1:28, Naketekela byo kiji, “Kechi kwakijingapo muntu wakujima mushiji ne,” bino Lesa walengele mwanamulume ne mwanamukazhi. Abyo ibyo, “Kechi kwajinga muntu wakujima mushiji ne.”

⁸²⁵ Pano Lesa wamubwezhezheko muntu pacheche mukifulo kya panshi ne kumubika mukipasha kya nyama, awe ye yuwe mubiji, pamotu nobe banyama pakuuba mba bakajimenga mushiji, bakakwatenga bintu. Awa fiyofani kechi ukwata ne, kechi umona ne, kutopa, kunusha, kuteleka; ao masesi o tuji nao. Nanchi Lesa wabikile muntu pantanda pakuuba mba—mba akakwatenga kabiji ne kumvwa.

⁸²⁶ Kabiji—kabiji byo aendelenga kupita mu bujimi bwa Edena, patanshi nobe fiyofani (byonka biji Mupashi Wazhila uji muno pakino kimye na kupitang’ana), watangijilenga bwikalo bwa banyama. Watangijilenga pa bintu byonse, nangwa byonkabyo kechi wakonsheshe kujima ne, mwamona. Nanchi Lesa wamubikile mu mubiji wa nyama ne mashi pakuuba mba akonshe kujima. Wamupele masesi anji faivi, pakuuba mba ajimenga mushiji ne kuwamisha ma—majimi aming’azang’aza ne—ne bikwabotu, nangwa byonkabyo mwanamulume wakijingatu buke. Oo, akye ke kipikichala kyawama.

⁸²⁷ Talai, kimye kyo alengelwe patanshi, mwi aye mwalengelwe bantu babiji pamo. Aye walengelwe byonse bibiji bulume ne bukazhi, mwanamulume byo ajinga. Aye Baibolo waamba mba byo ajinga. Lesa walengele mwanamulume kwikala byonse bibiji bulume ne bukazhi, “Aye wamulengele mwi aye.” Pano monai, muntu byo aabenwe kufuma mu bufiyofani ne kubikwa mu mubiji wa nyama ne mashi, aye wajinga—aye kechi wajinga byonse pamo monka ne; lubaji lwa buntu bwanji bwakijingatu fiyofani, nanchi kechi kyamwekelenga bulongo ne.

⁸²⁸ Kwajinga mulume ne mukazhi ku ng’ombe, kwajinga mbili, kabiji kwajinga ng’ombe, kabiji ne byonse byajingako, bibiji bibiji. Bino Adama, aye . . . wajinga . . . Monai, mwajinga kintu kimo kyabujilwemo. Awa mwine musango wandengelo wamwesheshenga mba kuji mukazhi ubena kumupembelela. Mwikyumvwa nyi? Kabiji ne yonka milanguluko yakwamba mba twafwainwa kufwa, itukatazha ne kwitukumisha, kabiji tukeba Bumi mwabula lufu, kimweshatu mba kibena kwitupembelela. Mwamona?

⁸²⁹ Kabiji Adama wajingatu buke bwanji. Kabiji Lesa, pa kumwesa mba kechi bakonsha kwabenamo ne . . . Pano Mbena kubwela mu kiky kintu kimo, mu sekondi umotu.

⁸³⁰ Talai, Aye kechi wayile na kutola ndochi ne kulengamo Eva ne, pakuuba Aye wamulengele kufuma ku ndochi itanshi, Adama. Aye watolele lubavu kufuma ku lubaji lwanji ne

kulengamo kwansho wamufwainwa, kabiji awa ke Eva. Aye walengejilwe mwanamulume, kabiji wajinga lubaji lwa mwanamulume. Aye wajinga lubaji lwanji muntendekelo, mu kulengwa, mu bufiyofani. Aye wajinga lubaji lwanji mukukwe kulengwa. Aye kechi wa abenwe mukwikala ke kilengwa kikwabo ne, aye walengelwe kwikala mu kyonka kilengwatu kimo.

⁸³¹ Ao oene mambo Kilishitu ne Lesa kyobaikela Muntu umotu, kechi kyakonsha kwikala kintu kingi ne. Inge Aye wajinga muntu wawama nangwa ngauzhi, Aye inge kechi waikela Mukuzhi ne; Aye wafwajilwe kwikala Mulenga Aye mwine. Bino Aye ukijitu bufiyofani ne pano, mwamona, kabiji byonka byo Ajinga kyokya kimye.

⁸³² Bino muntu waishile panopantanda kabiji aye—aye wajinga wakumya; kabiji Lesa watemenwe kyokya, Aye waambile mba, “Akyo kyawama, balekai bekale panopantanda myaka ne myaka. Byo byonka; kwikala—kwikala Peenape, kutwajijila ne kutwajijila ne kutwajijila. Lekai byonse bikome, kabiji kyonse kijimwa kimene, kabiji bintu byonse byonkabya. Kabiji lekai muntu ekale na bumi, ne banyama bekale na bumi, ne bintu byonse, myaka ne myaka. Abyo ibyo.” Mwamona?

⁸³³ Kabiji bubu byo bwatwelele. Kabiji Nakeba kwamba ino ng’ambilo. Mu. . . Nanchi bantu bavula boba bingi kilubo pa kikye Kinembelo, kabiji akyo kiji pa 23 Salamo. Bekitanga nobe bibye, “Ee, nangwa Naenda *mumangawa* a kimvule kya lufu.” Bino, kechi kujipo kintu kya byobyo ne. Aye Baibolo kechi waamba byobyo, mba, “Kimvule kifita kya *mumangawa*. . . kipachiko kifita kya mangawa a kimvule kya lufu.”

⁸³⁴ Waambile mba, “Nangwa Naenda mu mangawa a kimvule kya lufu.” Bino, kasa kikyanye kwikala kimvule ne, kwafwainwa kwikala na kyeya kya kulengela kimvule. Monai, Davida byo ajinga ngauzhi kabiji washingwa manyi, aye kechi walengele kilubo ne, aye waambiletu Bukine: “Ee, nangwa Na. . .” kechi, naenda mu mangawa *afishi* ne, kana, “mu mangawa a *bimvule* bya lufu.”

⁸³⁵ Nanchi wafwainwa kwikala na kibese kimo kya kyeya pakuuba mba kivule kilengwe. Kabiji nanchi abyobyo byokiji papo. Atweba pakimye kimo twi bumubiji nyama ne mashi kabiji ne kya bulesa. Awe mubiji wafwainwa kufwa, kabiji waletelwe ku mwanamukazhi; kechi ku kintu kikwabo ne kana kupichila. . . Kechi kwi Lesa ne, obewa wiwamulusemo lwa kwa Adama ne Eva. Kwikala ufita, utoka, nangwa musango yense ye ujimo, obewa wi lusemo, wakukisemi kyakwa Adama ne Eva. Akyo kilengela mubiji obe “kusemwa mu bubu, waimichijilwe mu bubu, kwiya pantanda kasa wamba bubela.” Obewa wazhatwa ne kufwa nao kufamatu pa ntendekelo ya bumi bobo, kwakubula ne, kwakubulwa kupewa ne kimye ne.

⁸³⁶ Pano, mambo mupashi ye uji nanji wayiya mwi obewa mwaila kistemwa, kabiji mwaila kistemwa kufuma mu masongola, kukeba kwa banabalume ne banabakazhi kwaleta mwaana wapantanda. Kabiji lekai awa mwaana bunke bwanji, kwakubula ne kumufunjishapo kyatama ne, nangwa byonkabyo ukaya mungi. Kwakubula ne kumufunjisha kyawama ne kyatama ne, aye ukaya mungi. Mambo kyo kistemwa kyanji kya kuuba byobyoy.

⁸³⁷ Monai kamwana kacheche, kabula kukila ne *popa* ne, kekalatu kakonya; aye ukobatu...aye—aye ukazhobakanya maboko anji, kabiji ne kilungi kyaaluka ke kichila, ne kupemashika. Kine. Kyo kika? Ke kistemwa kyanji. wikifumishe kwi bashanji nangwa bainanji, ku umo; aye wajinga na bukaji bwabaya bwakulwisha ng'ombe mulume, nangwa bashanji. Inge kechi byobajinga ne, bankambo yanji babalume nangwa bankambo yanji babakazhi byobajinga. Monai, ke kisemi.

⁸³⁸ Nanchi akyo kilengela...Obewa wasemekwa mu ntanda. Waiya monka kistemwa, kabiji bu muntu bobo bonse ke bufita ne bwamaloba, kabiji wazhatwa, kabiji wafingwa kabiji ubena kuya kungehena. Abyo ibyo!

⁸³⁹ Pakuuba umvwe wasemwa jibiji, nanchi Kyeya kya Lesa kisamina monka muyewa mweo (aleluya) nanchi pano kechi mangawa afishi ne, pakuuba ke mangawa ajimo na kimvule. Obewa wakonsha kumvwetwa pano na mubiji, ne bintu bikwabo pa bilungi byetu, nangwa byonkabyo kuji Kyeya kyabaya. Kabiji juba jimo akya Kyeya ne mfishi bikabenamo! Kabiji umvwe kyeya kyasama, mfishi inyema. Kabiji umvwe twaya na kwikala ne Kilishitu mu yewa mubiji, mfishi ne lufu binyema, kabiji tusolomokela mu Kyeya kyalumbuluka. Lukumo lwikale kwi Lesa! Abyo byobyoy tuji; kafwako misongo ne, kafwako byafituluka byamvwanganamo ne.

⁸⁴⁰ Ponkapano tuji na byonse bibiji misongo ne lusekelo, kabiji tuji na bumi bwawama ne bulume, kabiji tuji na *mukachi* ne *pangye*, kabiji *byapeulu* ne *panshi*, kabiji ne lusekelo ne bulanda, ne bikwabo. Kyawama, bino kimvuletu. Tuji na kyeya kyabaya kyakuyuka mba kuji Kyeya kookwa; kabiji tukiji mu mubiji, mu mubiji wa nyama ne mashi. Pakuuba juba jimo Juba jikamweka. Akyo ke kimye malaika walufu po ekala kumaulu a mwanya, apo ipo dokotala po aamba mba kypawa; kabiji akye kistemwa kifumamo mu kya bulesa, kabiji kyeya kisama kubwela mu Kyeya, kabiji mfishi ibwela ku mfishi. Pano awe ufwa umvwala ubula kubola. Apo ipo awe ubola po amvwala ubula kubola. Apo ipo awe ubola po amvwala ubula kubola, kabiji tufuma ku bilengwa bya kimye ne kuya ku bilengwa bya Peenape. Anweba kechi mwakonsha kuya kookwa na mfishi ine ne, wafwainwa kwikala na kyeya mu mfishi. Abyo byobyoy kiji. Ao ye yewa mubiji ye utambulwila.

⁸⁴¹ Kika kyo twafwainwa kuba? Kyawama, mulongo wami wazhila mutemwe, nyenga yami wazhila, kintendekesho kya inontanda kasa kikyanyge kulengwa, kimye Lesa kyo akulengele mu kipasha Kyanji, nangwa walengele aye—aye mwanamulume mu kipasha Kyanji, kabiji walengele mwanamukazhi mu kipasha kya mwanamulume mu kuleta lukumo ku mwanamulume, Aye wakulengele obewa bufiyofani. Kijitu pamo nobe Ayemwine, byo Aambile mba “Twayai” ku bilengwa byo Alengele, “twayai Tulenge muntu mu kipasha Kyetu Atweba bene, mu kipasha Kyetu, bufiyofani.” Lesa kasa akyanyge kwikalapo bumuntu ne, Aye wajinga mu bufiyofani.

⁸⁴² Kabiji Mosesa Wamumwene. Mosesa wajijile, “Nkambo, ndekai nemumone Anweba.”

⁸⁴³ Aye waambile mba, “Yanga ukafyame mu jibwe, mu kibwe.” Kabiji Mosesa wabwelele mu kibwe; kabiji Lesa byo apichile kwipi, kubeshabesha ne bilulumo. . . Kabiji Lesa byo apichilenga, Aye wajinga na nyuma Yanji ya aluka *bibye*.

Kabiji Mosesa waambile mba, “Kyajinga nyuma ya Muntu.” Aleluya!

⁸⁴⁴ Wajinga ng’anyi? Aye Milekezendeke waishile, Mfumu wa Salema, wabula bashanji nangwa bainanji ne, wabula ntendekelo ya moba nangwa mpelo ya bumi ne. Ao ye Iye! Kabiji Aye wayishile pantanda. Awa Iye waambilenga kwi Abulahama; wibungizhe Aye mubiji mucheche wa nyama ne mashi byobya, kabii “Wii!” wapemememo, watwelamo, kabiji waikila panshi ne kuja ng’ombe, watoma mukaka kufuma ku ng’ombe, ne kuja manyi ne kashinkwa. Kabiji ne ba Malaika babiji.

⁸⁴⁵ Kabiji byo balupukile, kabiji byonse bya bintu byaubiletu, “Wii!” byazhimang’ana byaya ne kuya.

⁸⁴⁶ Amiwa kechi nalangulukilepo byobyo ne. Kuno kimye kimo kunyuma, na bikilenga lusase mu buta bwa laifo, Najinga na laifo .22, ke Swifiti .220. Kabiji anweba balongo ba malaifo muno mwayuka. Awa lupolopolo mucheche, uji na tumapeke fote-eiti, pepi nobe *byonka bya* kulepa, bwaseka bwapolopolo .22. Mwikala pepi nobe bulume bwafika ku .30-06. Pano Ami. . . Akwa kobalenga mata babikamo pepi nobe fote-fool aduleendi mafiti pa sekondi umo. Kijitu bulongo, bino wakonsha kubikamo bwabaya. . . wabikamo obewa mwine, kabiji wakonsha kubika faivi sauzande mafiti pa sekondi umo. Kabiji—kabiji kimye kimo, inge ubena kuloza. . . Twalozelenga, juba jikwabo, palepa mayadi tuu aduleendi, kabiji lupolopolo wambilenga pa lukungu, wakonsha kuya buta kasa bukyanyge kupanga kikuwila ne. Alo lolubilo lwabo.

⁸⁴⁷ Pano watola kakichi kakuchokola mujino (mwayukatu, lubaji lwapapakana lwa kakichi) kabiji wabikamo kabinga ne kuyuzhamo kabinga, pepi nobe foolo nangwa tuseke faivi, witubika peulu popa, kabiji wabikamo ne lupolopolo. Waimana

pano, kabiji uji na lupolopolo mu kuboko kobe mu sekondi umotu. Kabiji waloza kutazha pa ngulu waikala panshi palepa tuu aduleendi fiti, kabiji awa ngulu uji panshi kechi wakonsha ne kwenda ne. Lupolopolo ubwela ku musango wanji wakala, kubwelatu ke mwela. Awe ke lupolopolo wamvwangakana kyela kya mukuba ne lindi, kabiji byaabana mu sekondi umotu, byabwela kyakuuba mba kechi mwakonsha ne kwibimona ne. Byabwela jibiji byonka byo byajinga myaka aduleendi bbilyoni, byabwelatu ke lubesha. Awa lubesha wilenga jibiji mu mukuba ne mu lindi, ne bikwobotu, byonkabya. Alwa lubesha lwiya lwibungizha pamo.

848 Pano, abyo byokiji. Abo byotuji pano, twafuma ku kyumi kikatampe. Muntendekelo twajinga mu kipasha kya Lesa. Kipembe ne mfishi bitulengela kubula kwikiyuka ne. Bino Yesu wabujile banabanji babwanga mba Aye “wajinga nabo kintendekesho kya ino ntanda kasa kikyangye kwaalwa.” Mwamona? Atweba twajinga! Anweba kuuba mwayuka pa kino kimye ne, bino anweba mwajingako muntendekelo. “Kabiji inge tente wetu wa panopantanda ye twaikalama wapopololwa, tuji na mukwabo ubena kupembelela!” Aleluya! Kabiji tutwela muyuwe wa bufiyofani, amo mo twaikalepo kala, pakuuba mba twakonsha kuja ne kwiyimuna mu maboko. Kabiji myeo iji mushi ya kitapisho yajijilenga mba, “Kwashala bimye binga, Nkambo?”

849 Kuji tampulo sebeni iya kwi Lesa, kabiji Mipashi sebeni byo—byo Iiya pantanda. Kijitu bulongo, byo uya mushi ya kitapisho kya kwa Lesa, mwajinga kujila, “Nkambo, kwashala bimye binga? Bushe twakonsha kubwela, monka muno nyi?”

850 Lesa waambile mba, “Pembelelaiko kakimye kacheche, poso balongo benu bamaname byonka byo mwamanamine anweba.” Mwamona?

851 Kabiji apo myeo po ikabwela, kabiji bakekala banabalume ne banabakazhi jibiji, kabiji bakekala myaka kimye mfishi ne lufu ne misongo ne bulanda bwafishi po bikafumapo; kechi kujipo kimvule ne, kine ke kyeya kya juba!

852 Telekai. Kino kyo kika. Lekai kitambule mfishi monka mo kyakebela kutambula; kechi kwakonsha kwikala mfishi ikatampe ne poso juba byo jikafumyapo mfishi yonse. Mfishi ne kyeya kechi byakonsheka kwikala pamo ne. Mambo aye. . . Kyepi kyakila bulume? Ke kyeya. Kabiji umvwe juba jasama, mfishi ifumapo. Amena. Kechi muji na lusekelo nenyi? Kechi muji nalusekelo pa kuyuka kyokyo nenyi? Kwakubula luzhinauko ne, kechi kujipo kimvule kuntu kukwabo ne. Pakuuba akye Kyeya kyapeshiwa kiji mu michima yetu ponka pano, kintu kimo kibena kupana lushimuno: Mwaana wakwa Lesa, bulume bwa Lesa.

853 Kabiji twaiya kuno, twamona bulume bwa Mupashi Wazhila bwaikila panshi bwatwela ne mu mbung'eno, kabiji ne kwamba mba, "Anweba mwajinga ba Mrs. *Kananga-ne-kananga*, amba anweba mwaubile *kintu* kananga, pa *kifulo* kananga. Anweba mwaikala nakyo bimye biji mukananga, pakuuba ABYO BYOBYAAMBA AYE NKAMBO, 'Imana, obewa wabukwa.'" Kabiji kilema ne mpofu baimana. Kabiji kimvule kya muntu, kyajikwa na kaasa, waikala na bumi kabiji ne bumi bupya jikwabo.

854 Kechi pajipo luzhinauko ne, Yesu waambile mba, "Abye bintu byo Nguba, ne anweba mukebyuba." Kabiji Aye waambile mba, "Amiwa kechi nguba kintu nangwa kimo ne kana ba Taata ba Mweshakyo Amiwa."

855 Kyo kika? Akyo kyo Kyeya kiya na kwimvwanga mu mfishi, mwamona, na kwitukula. Tambulai kyo Nalumbulula?

856 Bino, juba jimo kibwela kunyuma kokwa, kabiji umvwe fiyofani waikala ke mubiji ubula kufwa jibiji byonka byokyajinga kuntendekelo, nishi Yesu waiya, kabiji Lesa... apo Kilishitu ukekala ke umo. Kilishitu ukekala pa Jitanda, kabiji ne bantu bonse bekale ke bantu. Kilishitu ukekala pa jitanda ja Davida, Muntu, aye Nkambo Yesu; kwakubula kufwa ne. Kechi tukafwa ne, kechi tukakolwa ne, kwikala na bulanda jibiji ne, kabiji tukekala na bumi mu myaka kiumbi kimo.

857 Kabiji aya myaka kiumbi kimo byo ikapwa panopantanda, apo diabola po akeya; kabiji ne lusanguko lwa bubiji lwaiya, lusanguko lwa babula koloka. Po bakabungizha zhita ikatampe iji pamo nobe busenga bwa kalunga, kabiji bakemana kuzhokoloka kambi ya bazhijikwa, kabiji byo kikobiwa, Lesa ukanokeshwa mujilo wa bukibiliki kufuma mwiulu ne kwibonauna bonse.

858 Kabiji Yoano waambile mba, "Namwene jiulu jipya ne ntanda ipya, mambo jiulu jitanshi ne ntanda itanshi byapita, kabiji kechi kukekala kalunga kameema ne. Kabiji Amiwa, Yoano, namwene Muzhi Wazhila, Yelusalema Mupya, kasa ekila kufuma kwi Lesa monka Mwiulu, winengezhezha jimo nobe musongwa winengezhezha jimo mulume wani." Byobyoyo kiji.

859 Apo waambile mba, "Mukazhi... Aye Mwanamukoko ne Musongwa bakekala myaka ne myaka." Kukekala ntanda ipya, mamailoshi bipimo byaesakana mbaji yonse mamilyoni a mamilyoni. Oo, ami. Awa Muzhi, Baibolo wapima yewa Muzhi kipimo kya mbaji yonse iji na fifitiini sauzande mailoshi. Uji fifitiini sauzande mamailoshi mubula, fifitiini sauzande mumbavu, kabiji fifitiini sauzande mamailoshi kuya mwiulu. Mwo yo ndondolwelo ya Baibolo ya yewa Muzhi. Oene mambo kyo mwabujila kalunga, kechi kwajingapo mpuzho yako ne.

860 Oo, mukekala buwame bwabaya bingi! Kabiji monkamwa, kuji nsulo konka ku Jitanda ja Lesa, ipita kumeso a Jitanda. Kuji

kichi ku lubaji lumu lwa kichi. . . kya mukola wa Bumi. Kabiji mu kikye kichi kupanga misango ya bipangwa twelufu, kabiji kipanga kipangwa kimo pa ng'ondo pa ng'ondo.

⁸⁶¹ Amwa muji bakulumpe tweti foolo. Muji ne Musongwa. Muji ne bafote foolo sauzande, batungu ba mu nzubo ya Lesa. Oo mulongo, tubena kuya kutu kumo! Bintu biji kulutwe yetu. Ba foolo. . . Bakulumpe tweti foolo. Batungu aduleendi fote-foolo sauzande. Aye Musongwa waikala pamo ne Kilishitu. Ami, mwaamba. . . Muzhi Wami, Muzhi wawama! Amena.

⁸⁶² Kulanguluka mba Amiwa njina jishuko ja kuyako, kabiji ne anweba muji na jishuko ja kuyako. Kabiji kika kyakusalulwila kwenda mu iye mfishi kabiji ne kumona Kyeya ne, kabiji wafwa waya mukivundakanya kabiji mwabula ne kimo ne? Mambo Kyeya inge kyaikalapo na sambu, kechi kujipo mpuzha ya mfishi ne. Yanga ukakebe mfishi koyaaya umvwe kyeya kyafika. Abyo byokikala, umvwe bintu byonse byabwela kwi Lesa. Yajinga, mfishi yajinga na ntendekelo, mfishi iji na mpelo. Kyeya kechi kyajinga na ntendekelo kabiji kechi iji na mpelo ne. Lesa kechi wajinga na ntendekelo ne kabiji kechi uji na mpelo ne. Nanchi, juba jimo, ntanda yonse yalubakana na bubi bwayo ne buya bwayo, yatelwa-mba, kabiji ne byonse byakwiwamisha ne byakumvwaumvwa, kabiji ne buya bwayo bonse ne bintu byonse bikekalatu ke byatutu, kabiji kechi bikekalako ne. Kechi bikekalako jibiji ne, nangwa kwibilangulukatu ne! Kyaambiwa mba, nangwatu, “Kechi bikavulukwa nangwa pachechetu ne.”

⁸⁶³ Pakuuba batokwa ba Nkambo kimye kyonse bakekala Nanji. Atweba tukekala na mubiji Wanji Mwine nobe mubiji walukumo; kabiji ne kwikala Nanji, ne kuja Nanji, kabiji ne kwikala Nanji, kabiji ne kwikala Nanji myaka ne myaka kabiji ne myaka yakubula kubalwa; kabiji mankulo a Penape akatwajijila kwakubula mpelo ne.

⁸⁶⁴ Kabiji wakonsha kusala bufuku buno. Inge kechi winengezha kukumanya yoya mpuzha ne, nangwa uye byepi ku kipwilo, nangwa wikale membala wawama byepi, obewa walubilamo poso Kilishitu wakupa Bumi bupya mu yoya mfishi yo ubena kwendamo. Obewa wafwainwa kwikala mumpopweshi. Bumpopweshi, telekai, balunda, bumpopweshi ke kintu kifunjishi watu. Mwamona? Bonse baana bakwa Kaina kimye kyonse bajinga na bumpopweshi. Aba Bayudeya bajinga na bumpopweshi kimye kyayishile Yesu, bino bakaine lupulukilo.

⁸⁶⁵ Obewa wakonsha kwikala mumpopweshi bufuku buno. Obewa wakonsha kwikala Presbyterian, Methodist, Pentekosito, Nazarene, Pilgrim Holiness. Obewa wakonsha kwikala mupopweshi; kuya ku kipwilo kyobe ne kushimuna, wakonsha ne kwimba ne kubijika kabiji ne kutakaika Nkambo, wakonsha kuleta bya bujukumi byobe ku kipwilo, wakonsha kwikala

bulongo nabena kikalakulo, akyo kechi kijipo na kintu kimo kyakuba nalutwe lobe lwa Peenape ne. Kaina waubile byonse byafwainwa. Kyakine.

⁸⁶⁶ Aye Baibolo waamba mba “wichi ne seku bikomena pamo.” Kawichi kakacheche kekala, kafwa kilaka kya mvula, kabiji ne—ne bisonsonya nabyo pamo. Umvwe mvula wanoka, bisonsonya ne abyo bikala nalusekelo pakutambula mvula byonka bikala wichi. “Bino, ku bipangwa byabo, anweba komukebayukila.”

Pano twayai tulombe mu kimye kyo mubena kupima bipangwa byenu:

⁸⁶⁷ Pano, Taata Lesa, kwajinga mepuzho akosa kuno bufuku buno. Amiwa kape kechi nauba kintu kyawama ne, pakuuba mwaila kuyuka kwami; Mwayuka muchima wami. Nalomba, Lesa, namba Anweba musakwibitambula. Kabiji pano, kape, mu amo mepuzho, inge kechi Nakumbula bulongo ne, nanchi Anweba mwambe ku michima ya bantu, kabiji Anweba mwibalenge bekale ponka po bafwainwa kwikala. Nalanguluka mba Anweba mwajikunkumbula. Bino inge Naya mungi, nanchi Anweba mundekeleko mambo.

⁸⁶⁸ Kabiji Nalomba, Lesa, amba umo wabaabo asende bibye mu muchima wabo, kabiji lekai balangulukepo pa bibye ne kulangulukila mumwe, “Ee, kuji kipwilo, kuji bibye bintu. Abye byo byaamba Baibolo.”

⁸⁶⁹ Kapepo bainetu, Nkambo, Anweba mwayuka mba Amiwa kechi naji kutazha mu bumuntu bwami pa kwibabula ne. Bino, Lesa, Na—Natemwa banyenga yami, kabiji Mwayuka kyokyo, Taata. Mwayuka byo Ndanguluka pe abo. Bino kwimana ne kwibabuula kintu kimo kyatama, Nafwainwa kwikala ke—ke mujimbijimbi kwi abo. Amiwa kechi nakeba kwikala mujimbijimbi ku banyenga yami ne, Nakeba kwibabula Bukine. Kabiji, Taata, Amiwa ne Bifumyapo mu Kyambo Kyenu.

⁸⁷⁰ Kabiji pano Amiwa kechi mbena kuzhachisha balongo bami ne, bino, Nkambo, Naamba mba baya mungi pakuswisha bibye bintu. Kabiji umvwe inetu wayuka kyapusanako kabiji waya na kwikyuba, nanchi akyo kiji kwi aye, kafunga kechi wazhatwa ne.

⁸⁷¹ Aye Abba Taata, abye bintu ke Kyambo Kyenu, kabiji ne abo byobaji kwi Anweba. Pano Anweba ambai ku michima ya bantu. Nebapana bonse kwi Anweba. Amiwa nkamona byo Mwauba, Taata; Anweba mwayuka. Ambai ku muchima umo umo. Twaipuzha mu Jizhina ja Kilishitu.

Kabiji na mitwe yetu yakunama:

⁸⁷² Nakumya kana muntu umo wakonsha kusutula kuboko kwabo, ne kwamba mba, “Mulongo Branham, muvulukeko pakuuba mba Ngikale walushijilo lwapwijijika, kabiji pa juba japelako nkamvwale kivwalo kya masongola ne kwikala ne

Kilishitu.” Mwakonsha kusutulako kuboko kwenu, ne kwamba mba, “Ndombelelaiko”?

⁸⁷³ Muntu yense akunyike mutwe wanji, kabiji kunyikai mutwe. Lesa akupeshe, akyo kijitu bulongo. Akwa, Lesa emupeshe, banyenga yami; ne balongo bami, ne abo, mubena kusutula maboko enu. Akyo kyawama.

⁸⁷⁴ Pano, Taata, Anweba mwamona maboko abo. (Nayuka, kimye kimo mulanguluka mba, “Kyawama, ka mulombelo kacheche byobya?”) Lesa, Amiwa mbena kulanguluka pe yewa maama, byaambiwe keesha, “Kamulombelo kachechetu amwa munzubo yanji aja juba kimye awa nsongwalume po afwilenga, milungu isatu yakwikala na bumi, akya kitumbwa kubongo, kabiji pano kupipulwa kwa bintu.”

⁸⁷⁵ Nalanguluka Hezekiya, wakunyikile mutwe ku kibumba, ne kujila, “Nkambo, Ne musashijila Anweba, ngubilai lusa. Ndangulukaipo amiwa, mambo Nabaendenga ku meso Enu na muchima walumbuluka.” Kyapipulwa kufuma ku lufu kuya ku bumi.

⁸⁷⁶ Kujilatu kumo kufuma ku Mwaana wakwa Lesa, “Lazalaza, lupukamo!” kabiji muntu wafwa wasangukile.

⁸⁷⁷ Anweba Lesa, Anweba mwaambile mba, “Ambai, impuzha, kabiji kikemupewa. Inge waamba kiji kyonse, waketekela mba kyo waamba kikafikizhiwa, ukapewa kyo waamba.”

⁸⁷⁸ Pano, Taata, Nalomba mba uji wasutula kuboko kwaji basakutambula kyo basutwila maboko abo. Kabiji lekai bapeshiwe. Kabiji Lesa, Nalomba mba Anweba musakukwasha banyenga yetu, amba bekale... balekai bekale na byubilo byawama, pakuuba mba Satana kupichila mu televizhoni ne mu *True Story* mangazini ne bikwabotu, abyo byabulwa kulumbululwa bulongo, kabiji ne mitanchi yabulwa kusopwa bulongo, bya bubipisho ne mwenga pa televizhonyi kabiji ne bikwabotu, akyo kyafwainwa... Kyakonsha kwikala kyombesha kyakuleta mamilyoni myeo kwi Anweba, bino kechi bipeswa ne, kabiji ne kubika pa byonse bye bintu byandochi byakala abyo byo... Oo, kilenga lusa! Kabiji pa kuyuka mba mupashi wakwa diabola watwelamo kabiji ubena kuzhokoloka banyenga yetu, kabiji babena kwibalengela mafwasho ne kumvwala muyewa musango.

⁸⁷⁹ Kabiji twatana kuuba mba mu... mu balongo betu, ne abo, Nkambo, byo balanguluka mba bakonsha kupepa ne kutoma, kabiji ne kutwajijilatu muyewa musango, bino kasa bakijitu Benakilishitu mambo bamba mba “baketekela.” Balekai bayuke mba “diabola waketekela, ne aye.” Kabiji aye kechi wapuluka ne, “aye waitabila kasa azakama.”

⁸⁸⁰ Kabiji pano, Taata, twalomba mba Anweba mwitubileko lusa atweba bonse, kabiji ne kwitulekelako ku bubu bwetu, kabiji kape bamo kechi bajikusutula maboko abo ne, Anweba

Lesa, bobilai lusa. Lekai jishuko jikalondelapo jobaji najo, lekai bakasutuleko maboko abo.

⁸⁸¹ Tubena kupembelela kijilo, Nkambo. Tulekelaiko mizhilulwila yetu kabiji ne byapita bya mu bumi bwetu. Kabiji lekai tutambule mapesho Enu, mambo twikipuzha mu Jizhina ja Kilishitu. Amena.

⁸⁸² Aye Nkambo emupeshe. Amiwa mundekeleko mambo pakwimulama bibye. NAmiwa nakumya, kijilo kasa kikyangye kubiwa ne, inge pajipo umo wakonsha kwiya na kulombelelwa, wakeba kulombelelwa, kyawama, twakonsha kwikala na lusekelo pa kino kimye, inge kuji muntu umo wa kulombelela.

⁸⁸³ Kijitu bulongo, mulongo, muletai kuno, akyo kisakwikalatu bulongo. Kabiji pa kakimyetu kamo, pano tusakuya na—po tusakulupula bantu. Kabiji inge twalupuka, nanchi aba babena kukeba kwikala ku kijilo, bakonsha kwikala. Bino ponkapano tusa kulombelela bakolwa. Kika kyaamba Baibolo?

⁸⁸⁴ Inge mulongo kechi wakonsha kwimana ne. . . Akyo kijitu bulongo, mulekai aye ekale ponkapo, tusa kwiya kwi aye. Akyo kijitu bulongo, mulekai ekale ponkapa. Kabiji tusa kwiya na kumulombelela. Abyo ibyo. Kijitu bulongo, mwane, lekai—mulekai aye ekale ponkapo. Kyamukosela aye pakuuba mba emane ponkapa, kika, tusakwikala nalusekelo kwiya ponka po aji.

⁸⁸⁵ Pano Nasaka kwamba pa kikye kicheche, mulunda nami. Monai, Na—Nayuka mba aye Nkambo washinikisha kikye bimye byavula. Mwamona? Amiwa kechi nemusapwishi wawama ne, Amiwa kechi nafunda ne kabiji ne bikwabotu. Namutemwa aye Nkambo Yesu, Lesa wayuka mba Namutemwa Aye. Bino kintu kimo kyo Naitwa kuuba, ke kulombelela bakolwa. Mwaketekela kyokyo nyi? Nangwatu Amiwa kasa kyangye kuyuka pa kyabupe ne, Nayanga mumwe mu kipatela; kabiji Amiwa navuluka bamanaanse ke baambe mba, “Pano obewa usakwikalatu bulongo.” Mwamona? Kabiji ke kintu kimo, amba Lesa waikala bingi na lusa pa kunemeka milombelo yami ya bantu.

⁸⁸⁶ Amiwa nalangulukapo, bufuku buno, inge kyakonsha kutelwa, kyaumvwanika ntanda-yonse panopantanda. Kabiji ne kwamba mba, muntu yense Mulongo Branham ye alombelelapo, iyai kuno, Nakonsha kutemwa obewa kupana mukumbu ku kafulumende wa United States, na kalata. Kabiji akyo kyakonsha kwikala kubijika kwantanda-yonse. Naketekela mba, kapepo foolo nangwa bantu faivi milyoni bakonsha kukumbula alwa lwito inge lwayukanyikwa. Mwamona?

⁸⁸⁷ Kabiji aba bantu, nangwa bamo bajinga bafwa kala, wapanwa kala kwi badokotala, ne—ne bamatumbula. Bamo baipaiwe mu mapuso; bamo bafwile lufutu. Bamo bampofu, bilema, babisheta, bazhongomoka, bamanyikwa, boongo. . . mu

bipatela, bamo kechi bayukile kwamba mba tuji mu kipatela na kwibalombelela ne. Baletai, twafwainwa kwibasenda. Bakonsha kulwisha pakuba mba beye kabiji nekwichibaula, kechi bayuka ne koaji ne. Mu mamineti faivi, waikalatu bulongo, bawama, bantu babutemwe, kabiji baikala batutulu moba abo onse. Mwamona?

⁸⁸⁸ Kiji. . . Kyokika? Kechi Mulongo Branham ne. Ke Yesu Kilishitu, Aye wantumine kulombelela bakolwa. Pano abino byo byo kiji. Kechi kyaingila bulongo mu Jeffersonville ne, mambo, kino kyo kine kintu. Bino, Nasaka namba anweba muyuke mba Njina balunda bawama bingi kabiji baji bingi pepi monka mu uno muzhi. Nangwa muzhi aye mwine, musango wa muzhi, Amiwa kechi na mutemwa ne. Amiwa kechi natemwa yuwe musango ne, kabiji kyangye ne; byo Najinga nsongwalume muचेचे, naikajile, nakutanga buuku wami wa jishimikila, Naambile mba, “Juba jimo Nkafuma kuno.” Mwamona?

⁸⁸⁹ Amiwa kechi natemwa Jeffersonville ne, ke kisazangala, monka muno. Kine kisazangala, kabiji—kabiji kiyatama bingi. Yanga papo peulu ya Spickert Knobs nangwa kuntu kumo, kabiji talai ja kuya ku New Albany ne Jeffersonville, inge musaka kumona. Talai kuno, badokotala babena kwamba pano, amba, “Bantu baji mu kino kipachiko babenakuminwa mashi mu mubiji na mambotu a mwine musango.”

⁸⁹⁰ Inetu wachepa mubiji papo, Mrs. Morgan, wa bukilwe na kaasa, watwajile kabwa wanji ku kiliniki, walangulukile mba uji na kikola kya kubuluka. Anweba mwayuka byo kyajinga? Nshika ya bya Kongeti ne bintu biji munsono mo apichile. Ke kifulo kyabula kufikilamo na bututulu.

⁸⁹¹ Mulunda wajinga mu Mazhita, waile konka kuno kabiji watambwile. . . Aye wajinga na asima. Waile kuno ku Florida kabiji meso anji aikele afita bingi, kabiji waile kwi dokotala, kabiji waambile mba, “Dokotala. . .”

⁸⁹² Aye dokotala waambile mba, “Pano, anweba mwajinga mu kondo, kechi ibyo nenyi?”

⁸⁹³ Aye waambile mba, “Ine, mwane, Amiwa kechi nayako ne.”

⁸⁹⁴ Inge mubena kukeba kuyuka kana ye ng’anyi, jizhina janji Herby. Pano, inge Nakonsha kulangulukatu. . . Kiji—kiji mu Union National Bank, uji mu New Albany, ye upana mali. Yaingatu konka mukamone watelwa mba “Herby,” mukamwipuzhe.

⁸⁹⁵ Kabiji aye waambile mba. . . Aye waile, waambile mba, “Dokotala,” waambile mba, “Amiwa njina kikola kya mishipeshipe.”

⁸⁹⁶ Kabiji aye wamupima, waambile mba, “Abyo ibyo.” Aye waambile mba, “Nalanguluka mba wajinga mu kondo.” Waambile mba, “Mulunda, wikala kwepi?”

897 Aye waambile mba, “Anweba kape kechi mwayuka mpuzha ne,” waambile mba, “Amiwa ngikala mu muzhi mucheche kubushiya bwa Louisville, Kentucky, watelwa mba New Albany, Indiana.”

898 Waambile mba, “Ubena kumbula mba wasenda kikye kikola namambo a meema a mukele aji mu Miami, kowa kufuma?” Waambile mba, “Inge wakonsha kwikala mu Jeffersonville, Indiana, nangwa New Albany, Indiana, wakonsha kwikala kuji konse pantanda nkobakonsha kukutuma kumazhita abena United States.” Kyo kyonka. Mwamona?

899 Ke kifulo kyakepelwa bingi bututulu pantanda ponse, kyo Nayuka, kape kana kyaikala mubiselebwa muji malelya. Mwamona? Kabiji Ami—Ami—Ami—Ami njina balunda kuno.

900 Monai kuno, Nakonsha kuya na kwibeta bibye. Talai pe Dr. Sam Adair, mulunda nami. Kijitu bulongo, kuji Mike Egan, waikala popa. Oo, ami, baanga bo Nakonsha kutongola mazhina! Ke maaduleendi a balunda bawama bingi, batemwe bakala, bo Nakaya nabo. . . Nangwa ngikale na balunda bavula bo Nakonsha kutana, kafwako kyakonsha kusenda kifulo kya balunda bakala. Anweba mwayuka kyokyo.

901 Kuji bamaama bakala baikala popa, kechi baji na moba avula pantanda ne, baji mu masikisite pakino kimye. Kuji bainabo mukazhi wami, sebeta, babena kuya ku sebeta-wanu; baikala kunyuma kukwe, Naketekela, bufuku buno. Kabiji kokwa, balekai. Bataata bazhikwa kokwa; bakazhi bazhikwa ku Walnut Ridge; mwaana wami walala kokwa. Mwamona mo Nekitazha nyi?

902 Ami—Ami—Ami kechi natemwa. . . Ami—Ami—Ami—Ami kechi keba kwikala kuno ne, kabiji Naketekela kyokyo mba bukumo, ponkapotu, Amiwa kafuma kuno. Monai, mambo kiya kwi amiwa, Naambila kikye ku pulupiti ne Baibolo wami, kimye kyonse.

903 Byo Nabujile mukazhi wami, byo betupele mali a kushimika kyoka kishimikwa kyo Napaine ku kino kipwilo. . . Kipwilo kyo kina kyonkya kishimikwa; yainga papo, mumone inge kechi byokiji ne. Mwamona, Amiwa kuuba ne kitambula ne.

904 Pano, kimye kyo Nailenga na kushimikapo, Meda waambile mba, “Amiwa nakeba kwikala kuno namambo a bamaama.”

905 Naambile mba, “Mutemwe, kine nobe byonka byo tubena kuuba, kiketulenga buvu pa kikye. Mwamona, kechi kyakonsha kwingila ne. Lesa waamba mba, ‘Abana,’ Nafwainwa kwikyuba.”

906 Kabiji waambile mba, “Kyawama, bamaama!”

907 Naambile mba, “Ba maama, ne amiwa. ‘Bino aye ukabula kuleka bakwanji mwine ne, kabiji ne kulondela Amiwa, kechi wafikilamo kutelwa mba Wami ne.’ Kabiji akyo kyakine.”

908 Juba jimo, katatakatu, Naketekela mba Amiwa nkafumapo, kuuba mba, kuya kungi. Bino kuji jishinda, mpwijilo kechi ikengila kuno ne. Kechi kyakonsha kwingila nobe byonka byo kyubiwa kukwabo ne, kabiji muntu yense watanwamo mu mbung'eno wayuka mba akyo kine, mambo kiji monka muno mu muzhi wami. Byokiji.

909 Yesu waambile kintutu kimo kimye kyo Ayishile.

910 Abo baambile mba, “Awe ye ng’anyi shetu? Bushe awa kechi nsongwalume wakwa kapeta nenyi? Ng’anyi sukuulu ye ayileko? Kwepi nkoafumishe kukwe kufunda? Pano lekai ne mumone anweba mwikyube. . . Mwaamba mba mwaubile byakukumya kuno, lekai ne mumone mube bintu bimo. Byo mwaubile mu Kapenema, lekai ne mumone mwikyube kuno.”

911 Yesu waambile mba. . . “Aye wakuminye namambo akubula lwitabilo lwabo.” Aye waalulukile ne kwamba mba, “Kine, kine, Nemwambila namba, ngauzhi kechi wikala na munema mu muzhi wanji ne.” Abyo ibyo nyi?

912 Kabiji twayuka. . . talai pa. . . Tolai Finney, tolai Sankey, Moody; tolai John Wesley, kechi wikyubilepo ne, monai, poso byo afumine mukyaalo kyanji. Monai pe—monai pe—pe—pe Moody. Kimye Moody, uwamisha masapato ku Boston, kechi waile nangwa pacheche ne, aye waishile ku Chicago kasa akyangye kuya kuwa. Mwamona? Aye wikifumishe kuba kwanji aye mwine. Kimye kyonse ukekyuba.

913 Bino pano, papo, Lesa usa kukumbula milombelo inge mwakonsha kulubako mba William Branham (Mwamona?), inge mwakonsha kulubako mba William Branham kafwako kyo aji nakyo ne, ke umotu wakonsha kwimana ne kukulombelela. Ke Yesu Kilishitu wikyubile kala kyo mwaipuzha mba obe, inge mwakonsha kwikiswa. Mwamona? Kechi kiji nakinto ya kuuba. . . Amiwa kechi jipo na mwingilo wakuuba nakyo ne, kanatu kwikala kamonyi. Pakuuba byo kyamweka nobe nakomena pamo ne anweba, mwayuka bukooke Bwami bonse, kabiji ne bilubo byonse byo Njinabyo. . . Kabiji mwayuka Lesa byo auba, monka mu uno muzhi.

914 Uno muzhi pa juba jaluzhachisho, ukakumbula mfweto ikatampe bingi, mambo muji maaduleendi ne maaduleendi a bintu bikatampe byalubuko muno (Abyo ibyo.), monka muno. Biyukilo ne bya kukumya, kabiji ne kumweka kwa Malaika kokwa, kabiji ne mapepala amajashi aambilepo ne bintu byonse, nangwa byonkabyo bantu kechi. . . Kika byo byo?

915 Pano juba jimo, Amiwa kafuma kuno. Amiwa mbena kukumya: “Mpelo yami ikekala byepi? Kana kyapita? Kijitu nobe pepi nyi? Amiwa nji na myaka foote-eiti. Bushe kijitu pepi kupwa nyi?” Nakumya kikye. Inge byokiji. . .

916 Talai, kika ntanda kyo yabujile kuyuka kyokya kipikichala? Kika kyo babujile kukwata kyokya bukiji bukiji? Kika kyo

babujila kukwatakanya bibye bintu? Kika kyo babujila kukwatakanya bibye byabungauzhi ne bintu bikwabo? Anweba mwayuka, kechi bakonsha kwikyuba ne pakino kimye, bino juba jimo Amiwa kafumapo pantanda, kabiji umvwe Nafumapo, popo ba Kekiyuka. Anweba bamo banyike mukayuka kyokyo inge Naya. Mwamona? Bino Lesa kechi wikiswisha mba kyubiwe kino kimye ne. Monai kine kintu. . . anweba mwakwatakanya Monekitazha. [Kafwapo bijipo pa tepu ne—Waku.]

⁹¹⁷ . . . Jikosa ja nsongwakazhi mucheche. Uji yense wakonsha kwikala najo. Kabiji Naketekela mba Mulongo Sothmann waambile mba washile Baibolo muno kimye kyapeleko kyo ajinga muno, Naketekela. Uji yense watanako Baibolo, wa—wakaswa papo Baibolo? Inge mwamumona, wakwa Mulongo Fred Sothmann kufuma ku Canada. Pano twayai tulombe.

⁹¹⁸ Nkambo, ubai lusa, nyimbilo yawama po ibena kuvuma kabiji ne Mulongo Neville usakushinganga manyi, Amiwa ngya na kubika maboko pa bakolwa mu Jizhina ja Yesu. Kiswishai kye, Nkambo, pa lubuko lwabo. Amena.

⁹¹⁹ Muntu yense alombenga, pano, muntu yense. Kijitu bulongo.

Nkambo, awe mucheche, bankambo yanji babalume bamwimenako papo. Aye ukatazhiwa kuja mukaka, mukaka yense. Bino Anweba muji na Bulume bonse kabiji awe mulongo mucheche kechi wakonsha kwikala na lwitabilo bunke bwanji ne. Kabiji pano, Nkambo, Amiwa njina lwitabilo lwa kumwimenako, na basemi ne bankambo yanji kabiji twaamba, mu Jizhina ja Yesu, amba mwaana wakonsha kutoma mukaka ne kwikela kulukumo lwa Lesa. Amena. Kikekala muyekawe musango.

Oo, Lesa, aye ubena kulombelelako bashanji. Namulombelela namba Anweba musa kumubukila bashanji kabiji ne kumupa kyo abena kukeba, mu Jizhina ja Kilishitu. Amena.

⁹²⁰ Bino, kyapeelatu kechi ibyo nenyi? Bantu babena kulomba, bino abyoyantu. . . Abo bakeba kintu kikatampe kabiji bekilubakanya. Lesa wikilenga kyapela. Anweba mwikizhobakanya ne kwikitupila. Mwamona? Lengaitu. . . Lekai kikale kyapelatu byonka byaambile Lesa: “Abye biyukilo bikebalondelanga baitabila; umvwe babika maboko abo pa bakolwa, bakakosa,” byonka byaambile Lesa.

⁹²¹ Twateteka maboko pa yuwe mwanamukazhi, Nkambo, awe nyenga yetu waimana papo, kabiji lekai abukwe monka mo twaipwizha, mu Jizhina ja Yesu Kilishitu. Amena.

⁹²² Taata, byo twateteka maboko pa nyenga yetu, mu Jizhina ja Yesu Kilishitu, mu kuvuluka Baibolo kabiji ne lufunjisho lwa Nkambo, lekai abukwe.

Taata, mu Jizhina ja Kilishitu, twaipuzha lubuko lwa nyenga yetu, kabiji Nalomba mba Anweba musakumulengela akonse monka mo twakokela Kyambo Kyenu, kechi pajipo luzhinauko mu milanguluko yami ne kana lo akonsha kwikala...?... Amena.

⁹²³ Taata, twateteka maboko pa nyenga yetu, ne kwipuzha kyokyo, mu Jizhina ja Nkambo Yesu, amba anweba musa kumubuka kabiji ne ku mulengela kwikalatu mututulu. Amena.

Mu Jizhina ja Nkambo Yesu, twabika maboko pa mulongo wetu kabiji twaipuzha mba Anweba mumulenge kwikala na bututulu namambo alukumo lwa Lesa.

Taata, mu Jizhina ja Nkambo Yesu, twashinga manyi nyenga, ne kubikapo maboko pe aye kabiji ne kwipuzha lubuko lwanji mu Jizhina ja Yesu.

Lesu Taata, twateteka maboko pa mulongo wetu, twaipuzha kyokyo, mu Jizhina ja Yesu Kilishitu, byo twamushinga manyi amba Anweba mumulenge kwikala mututulu.

Taata, uno, bakazhi banji batemwikwa...?... twamushinga manyi ne kubikapo maboko pe aye, ne kwipuzha, mu Jizhina ja Yesu Kilishitu.

⁹²⁴ Nkambo Lesa, twashinga manyi muचेचे Edith, twateteka maboko pe aye, kabiji ne kwipuzha mu Jizhina ja Nkambo Yesu Kilishitu amba Anweba musakuswisha kukabila kwanji.

Taata, kwi bainanji, ne ako twamushinga manyi ne kubikapo maboko pe aye kabiji twaipuzha lubuko lwanji, mu Jizhina ja Nkambo Yesu Kilishitu, lekai ekale mututulu.

⁹²⁵ Taata, twashinga manyi yuwe wawama muचेचे wa kikye kisemi, muchima kulukuta, mu Jizhina ja Nkambo Yesu, juba jimo japewa kwi Aye, kabiji Nalomba mba Anweba musa kumubuka...?... Amena.

⁹²⁶ Oo Lesa, Anweba mwayuka kukabila kwa nyenga yetu kabiji twimusachila Anweba pa lwitabilo lwanji lukatampe. Pano, lekai bibye bintu byo aipuzha, amba...?... byo akailenga nabyo byo ajinga mwanyike, kabiji Lesa, lekai mulwany alekeleko ku mwanamkazhi kabiji afike ku nzubo bulongo, Nkambo. Twalombela yewa mwanamulume, ne aye, kyo akabila, Anweba mwalaile mba, “Inge mwaipuzha kiji kyonse mu Jizhina Jami, Amiwa ke kyuba.” Nalomba mba Anweba musakuswisha kikye kyakukabila, mu Jizhina ja Yesu. Amena. Lesa emupeshe.

⁹²⁷ Nkambo, aye mishipeshipe ibena kufwa mukilungi kya mulongo wami, twaipuzha bumi busanguluke, byo tubena kubikapo maboko pe aye kabiji ne kwikipuzha, mu Jizhina ja Yesu, amba awa mushipeshipe ekale bulongo.

Lesu Taata, twateteka maboko pa nyenga yetu panyuma ya kumushinga manyi, mu Jizhina ja Nkambo Yesu Kilishitu, twaipuzha lubuko lwanji. Amena.

⁹²⁸ Taata Wamwiulu, byonka nyenga yetu byo aimene pa byalushijilo bikatampe Anweba byo mwafikizha, wayimenako umo kalume Wenu, wamwingilo, uji bingi na lubazhibazhi; michima yetu ya lusa yaya kwi aye mambo twayuka kyo abena kupitamo. Nalomba, Lesa, namba Anweba musakushinga manyi nyenga yetu wamwimenako kuno kabiji ne kumushinga manyi na mambo a lubuko lwanji. Nalomba, mu Jizhina ja Kilishitu. Amena...?...Aye Nkambo wayuka...?...

⁹²⁹ Kyawama. Amiwa njibingi na lusekelo. Akwa kushingwa bingi manyi kwa Nkambo. Nkambo Lesa, panyuma ya yuwe mwanamukazhi wapokololwa ku demoni ye alwananji myaka yavula, juba jimo Anweba mwamutangijilenga kwiya ku nzubo kokwa kabiji ponkapo Mupashi waishile, "ABYO BYOBYAAMBA AYE NKAMBO," panyuma ya kujila, walajile pa kitapisho, aye waubile biji byonse byo ayuka kuuba, bino kyasendele ABYO BYOBYAAMBA AYE NKAMBO. Pano, aye ubena ulonda mwana wa nyenga yanji ubena kulasa; kabiji kechi ubena kwenda ne, wapitaila pa mwaka umo. Nalomba, Nkambo, amba Anweba musakuswisha mapesho akwa Lesa kwi aye mu Jizhina ja Yesu Kilishitu. Njibingi na lusekelo pa kyokyo, nyenga, ubena kumweka wapusanako, ne aye. Kabiji obewa uji kwalepa bingi na kufwa, kechi byo uji nenyi?

Lesa Taata, twalomba mba Anweba musa kupesha nyenga yetu byo tubena kumushinga manyi kabiji ne kubikapo maboko pe aye kabiji twalomba kintu kyo mwaambile Anweba: "Abye biyukilo bikebalondela baitabila. Bakabika maboko pa bakolwa, bakakosa." Twisolola kwikala baitabila, Nkambo, nanchi twalomba mba Anweba mubepo kimo, mu Jizhina ja Yesu...?...

⁹³⁰ Taata Lesa, byo nayuka muchima wayuwe mwanamukazhi wachepa mubiji, byo ekyamba, twalomba mba Anweba mumubile lusa kabiji muswishe kyakukabila kyo aipuzha. Anweba Lesa Taata, pa kisemi kyanji, ku baana banji, nsongwalume wanji, kukizhamo, Lesa, Nalomba pano, mba Anweba musakuswisha bibye bintu...?...na muchima wami yense, Ne bipuzha, mu Jizhina ja Yesu. Amena.

Lesa Taata, byo twashinga manyi awe mwanamukazhi, twamulombelela mu Jizhina ja Nkambo Yesu, amba Anweba mwakonsha ku mubuka kabiji ne kumukosesha konka ku lukumo lwa Lesa.

⁹³¹ Obewa jizhina jobe kechi jafwainwa kwikala West, jakonsha nyi?

Taata, twalombela inetu muचेचे. Aye waipwizha bashinji. Pano, Nalomba mba Anweba musakuswisha bashanji, itai pa muchima wanji, Nkambo. Aye ubena kukeba mba apuluke. Aye kechi ukeba amba ekale muntanda byonka byo anji ne, awe, ke

mwaana wanji mwine, ke lukunwa wanji. Nalomba, Taata, amba Anweba mumubile lusa, mu Jizhina ja Kilishitu.

⁹³² Akupeshe, mwaanami wamukazhi, lekai Lesa apane kwi obewa, kintu kyo waipuzha.

Lesa Mutemwe, twamulombelela lusa, kabiji twalomba mba Anweba mumubile lusa, byo tubena kumushinga manyi...?...



MEPUZHONENE MIKUMBU BAHEBELU KIBESE KYA III KDE57-1006
(Questions and Answers on Hebrews Part III)

NGUBILO, NTANCHIKILO NE LUFUNJISHO LWA KIPWILO LWALONDANKANA

Ino Mbila na Mulongo William Marrion Branham, yalupwilwe patanshi mu Kizungu pa Mulungu mabaanga abufuku, 6 Tundwe, 1957, ku Branham Tabernacle ku Jeffersonville, Indiana, U.S.A., byafumishiwa pa tepu ukwata ne kufyatula kabiji bya nembwa mu Kizungu kwa kubulwa kupimpulwa. Ino ntuntulwilo muki Kaonde ya nembelwe ne kusampanya na ba Voice Of God Recordings.

KAONDE

©2022 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Kayukilo ka kuvuzha

Luusa lonse luji kubene. Awe buuku mwakonsha ku mupulita ku kya kupulitako kya pa nzubo pakuuba mba anweba bene mwakonsha kumwingijisha nangwa kupaanwa, kyatuutu, nobe jishinda ja kunsampwilamo Mambo awama a Yesu Kilishitu. Awe buuku kechi wakupotesha ne, kulengamo avula, kutumwa palubesha, kufiwa mu makopyuta, kututululwa mu milaka ikwabo ne, nangwa kwingijisha mukumwenamo mali kwakubula kuswisha kwanembwa kufuma kuba Voice Of God Recordings®.

Pakukeba kuyukilapo bikwabo nangwatu mabuuku akwabo, mwane tumai pa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org